

1929-1930 年
第 1-7 期

江蘇革命博物館月刊

總理遺像



遺囑

中華民國十八年八月

第一期
創刊號

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥
現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑

江蘇革命博物館月刊 第一期 創刊號 目錄

封面 總理遺像 遺囑

圖畫 黃帝 明太祖 洪秀全 太平軍破清兵圖

發刊詞一

發刊詞二

論說 能否銘新舊於一罐乎

史 明史補傳……劉益傳……(附全遼總圖)

江蘇革命史略……丹徒趙君傳

傳 新國民史……劉道一傳

叢談 粵游雜記

文 文錄……孫總理撰陳母倪節孝君墓碑銘等文三篇

苑 詩錄……孫總理哀劉道一等詩十九首

雜俎 浩劫遺灰

專載 熊魚山先生賸集

本館紀事 主任攝影……簡章……徵集條例……陶惟坻等呈文……往來函牘

巢南

柳亞子

於陵子

陳去病

柳棄疾

章炳麟

陳去病

陳去病輯

603138

像之帝黃祖始族民國中



帝作五兵

揮斥百族

時維我祖

我膺是服

億兆孫子


皇祖式茲

我疆我里

誓死復之


明 太 祖 像






太 平 天 國 洪 天 王 秀 全 像






太平天國勝清兵之真景



Defeat of the Tavalry Cavalry at the Battle of Hu-kau



發刊詞一

▲巢南

北京圖書館藏

巢南子曰。沉沉長夜。鷓日不鳴。其氣象誠黶黶哉。行庠詖蕩之塗。以適莽蒼之墟。東海在其前。泰山峙其後。披襟當風。以俟杲旭之出。其始焉滄滄涼涼。倏玄倏黃。紛綸滉漾。馳萬道之金光。其繼焉朱霞天半。飛來鳳皇。長鳴一聲於彼高岡。而其終焉丹盤一輪吐露。全身波濤洶涌。若跳丸之沐浴。庠裨瀛兮。是壯者目眩而心駭。懦夫回視而却步。屏息怵惕。久之久之。而後始凝目焉。又平視焉。乃歎欣鼓舞。快然而稱頌曰。盛哉乎青。天白日。攤乎中央。光明磊落。昭臨萬方。無中無外。坦坦蕩蕩。凡夫圓顛。方趾含生。負氣之倫。孰不面易嚮洗心滌腸。潔誠來歸。知天命之有常。巢南子曰。天道循環。無往不復。易有陰陽禮降。因革明乎此。而吾先總理所繇以革命。詔我羣盲者。曉然矣。先總理之所以師朱明。故轍而奠茲中華。民國於我。建康者。曉然矣。先總理之所以長傍孝陵而爲之永藏者。曉然矣。

第

一

期

蓋東林幾復知民族主義奮我鷹揚而由崧昏闇失其紀綱唐桂播遷水火一堂此其所以終於消亡也洪秀全起布衣踰嶺下湖湘不數年而建號天國定鼎長江其聲勢亦浩蕩矣而不知民爲邦本以鞏固夫金湯此又所以秀而不實終以自戕也惟吾總理高瞻遠矚不恥下問深知古今成敗之原斷然以三民主義五權憲法相號召是以奔走革命四十餘年學湯武之征誅而不爲湯武之篡奪法唐虞之禪讓而尤徠唐虞之登庸此所以羣情浹洽四海歸心斷頭瀝血決然無有所回感總理以此而成功諸先烈亦以此而著績縱生俱不獲覩夫區宇之混一而黃花岡畔紫金山頭將魂魄憑依終古而赫奔矣烏乎此吾黨之所以有今日而吾人之所以永念夫先烈思有以昭示夫國人也

且夫在天之靈亦自完其天職而已寧望後人之必崇報我也然而我國民之得以處於今日黨國下者端由諸先烈之不惜軀命誓死力爭前仆後繼壯往不貳以造成茲日之莊嚴則我國民縱不能一一馨香俎豆以竭其頂禮膜拜之忱而瞻仰遺容留連故物自不勝其徘徊眷戀肅然有以立懦而廉頑寧得謂爲世變日新往昔犧牲無足

掛我齒頰哉。烏虜此吾蘇革命博物館之所以不能無設且不能無設於首都不能無有所著述以表彰此遺烈而使之日以光昌爲黨國榮爲吾民師法也。烏虜此江蘇革命博物館此江蘇革命館月刊吾國民其能無重念之重念之哉重念之而吾總理在天之靈如在其上如在其左右重念之而諸先烈在天之靈亦如在其上如在其左右音容雖邈肝蠻猶通夫又奚必登紫金山頭過黃花岡畔而後始致其哀悲抒其感槩也既以明其故復從而爲之詞曰

亂。亂。亂。消息陰陽否泰剝復變化何常鼎新革故匪柔伊剛同人大有公理彰彰繫維吾民中州是宅炎黃子孫既蕃且殖繼繼繩繩保我邦族何物么魔任其魚肉魚之肉之亦三百年茹痛飲恨困苦顛連匪無健者奮我戈鋌中道頓挫卒受拘繫惟我總理誕膺天縱屢起義師誓與虜鬩三民粵宣五憲能綜始自同盟終邀一統統既一兮引我哀思澤遍膏血目極瘡痍國殤誰念烈魂何依秋燐點點衰草淒淒草萎燐飛九原可作文炳日星勛銘金石供狀爰書斷弓遺鏃理而董之餘腥猶酷曰歸曰歸魂兮其來中山故邸有亭有池造象爭肅寶物長遺守藏毋忽視此銘詩

發刊詞二

柳亞子

第 一 期

江蘇革命博物館將有月刊之作。陳子去病來書囑余一言。余曰。中山先生勦導革命以來。至今幾四十餘年。約略可分爲數階段焉。始自惠州樹幟。終於武昌建國。其目標專在胡清。可謂爲民族革命之階段。異族旣攘。軍人跋扈。於是有洪憲帝制。張勳復辟。以及皖直諸將之亂。抵抗之跡。始自民二討袁。終於民十七驅張。可謂爲民權革命之階段。蓋軍閥不除。卽民主共和之眞諦終末由實現也。嗣今而往。其將由民權革命之階段。進而至於民生革命之階段乎。質而言之。三民主義。以民生主義爲骨幹。民生主義不實行。則民族主義僅局於狹義。終不能與全世界弱小民族提攜以進。於大同。即民權主義易爲資本階級所操縱。或將自虛僞之德謨。克拉西一變而爲反動之迭克。推多彼意大利之現狀。不大可借鏡歟。然則居今日而言革命。繼往開來之業。可不慎哉。吾蘇地大物博。介江海之交。爲革命而犧牲者衆矣。在第一階段中。要以趙伯先熊

成基諸公爲巨擘而周實丹阮夢桃革命於辛亥成功之後尤爲奇冤殊慘塌吾黨九
 牛二虎之力僅得昭雪亦江蘇革命史上一大污點也在第二階段中摧殘尤夥苦見
 聞隘陋未克一一詳就個人所知則死於張勳者有周祥駿等死於馮國璋者有伏
 龍顧振黃等死於齊燮元者有韓恢等死於孫傳芳者有周水平汪伯樂柳成烈錢剛
 等其他功罪未明是非未晰當門蘭草一例同芟者尤指不勝屈青燐碧血難招強死
 之魂剩粉殘脂何處返生之窟嗚呼傷已僕也無狀弱冠入同盟會從中山先生游伯
 先以下強半舊交而體羸善病未有請纓絕裾之勇桂苒二十四年老朽頑鈍不死誦
 革命之誓詞觀先烈之衣冠有不慙然以愧悽然以悲者乎是爲敘中華民國十八年
 七月柳亞子

天地革而四時成

湯武革命

順天而應人

革之時大矣哉

論說

能否銘新舊於一爐乎

於陵子

有鄭成功而後有洪門。而後有洪秀全。而後有興中會。而後有同盟會。而後有國民黨。而後有中華民國。而後有中華革命黨。而後有中國國民黨。而後有今日之黨部與國民政府。浩矣哉。其歷史之深長而悠久也。富矣哉。其歷史之紛綸繁複而錯雜也。雖有大撓不能明其甲子之後。先雖有豎亥不能算其黨徒之多寡。何況始合終離。乍離復合。與夫貌合神離。依違兩可者。出奴入主。騷擾其間。幾無有片時之得休安能愈人頭風。第覺亂我心。曲自朝至於日。中昃蠅鑽蟻聚禽集獸散。憊矣哉。臣力竭矣。弗勝任矣。有長揖謝故人歸來自藏拙而已矣。烏虜今日之現象如此如此。

「無可奈何花落去。似曾相識燕歸來。」空山寥閱。情比枯禪矣。而足音何來。豈然可喜。此有心人不能無動於中也。抑亦傷心人因之而興感矣。孟子與見梁王。魯王曰。叟不

遠千里而來亦將有以利吾國乎曰否亦有仁義而已矣一杓冷泉澆上背滿頭滿腦自清涼吾不審今日臨沂沐浴人曾亦有此澈悟否乎

「胡馬依北風越鳥巢南枝」此歲寒松柏之操誠一不貳之士也貞白純潔比於懷清之臺憂讒畏譏奚啻蘆蓍之被而纏綿悱惻不忘欲返直三閭大夫之徒耳蹴爾而與之乞人不屑焉謂所識窮乏者之得我與亦賢人君子之所恥焉趙孟之所貴趙孟能賤之吾不審輻輳馳逐人其觀念亦尙有及此否乎

荆軻飲燕市酒酣氣益震哀歌和漸離謂若傍無人雖無壯士節與世亦殊倫高眇邈四海豪右何足陳貴者雖自貴視之若埃塵賤者雖自賤重之若千鈞吾革命博物館所陳列之遺蹟亦視此漸離之筑荆卿七首而已矣壯節殊倫兩何所媿埃塵千鈞視而別之勿謂墓下陳死人似程不識之不值一錢也

然而有難言者矣予生也晚烏知所謂鄭成功烏知所謂洪門烏知所謂洪秀全與中會與同盟會國民黨又烏知所謂中華革命黨且并不知所謂中國國民黨蓋吾所知者但今日之所謂黨而已矣安暇計歷史更安暇計黨之歷史彼鯁鯁焉欲溯黨史者

直昏庸耳。老朽耳。腐化惡化。欲崇拜多神之士。偶耳。予生也。晚予但知予而已矣。遑問其他。

於陵子曰。善哉。善哉。予生也。亦晚誠不識。鄭成功與洪秀全。又烏知所謂洪門致公堂與三點三合等會哉。然而幸得奉教於吾總理矣。總理之從事革命也。以興中會始。興中會者。承洪門致公堂一線之緒。而綜攬三點三合等會以成之者也。吾總理誕膺天縱。既一躍而爲之魁。繇是中華承學之士。類皆東林幾復之裔。不忘九世復仇之義。於其平時。亦自有青年雪恥愛國博愛義勇。光復軍國民教育等之信誓矣。聞總理之風。乃脫然捐弃其所固有。羣焉歸附而爲同盟之會。則是吾總理者。能繼往以開來。鎔新舊於一爐者也。奔走革命四十年。堅苦卓絕。如陋巷之儒。朝山之僧。棲棲皇皇。席不暇暖。以求治安以達吾所謂三民五憲之政綱。自古石紐導江杏壇設教。亦何過於是。豈非千載以還一人而已哉。

總理之言曰。予以至誠以接吾徒。其能竭誠來歸者。吾欣受之。反是而背吾以去者。予亦不追咎之。期異時得相見焉。總理之度量如此。故總理之門無叛徒。而總理之門亦

多。叛。徒。微。特。陳。炯。明。之。爲。羣。衆。所。指。目。而。已。也。其。始。焉。有。叛。而。出。者。而。其。繼。焉。亦。有。叛。而。入。者。甚。且。有。叛。而。出。叛。而。入。視。爲。固。然。而。總。理。仍。休。休。焉。相。容。者。烏。虜。吾。總。理。之。度。量。何。其。邁。越。等。倫。有。若。是。哉。然。而。總。理。之。所。以。爲。總。理。者。誠。高。矣。遠。矣。復。虜。其。莫。可。尙。矣。

兄。弟。閱。於。牆。外。禦。其。侮。怵。大。敵。之。當。前。猶。齷。齷。夫。雞。黍。人。間。世。尙。得。容。茲。朽。蠹。哉。往。者。不。可。諫。來。者。猶。可。追。夫。子。勗。哉。天。下。事。大。可。爲。也。擊。鼓。其。鏜。踴。躍。用。兵。元。戎。十。乘。以。先。啓。行。正。今。日。之。謂。也。臨。之。在。上。質。之。在。旁。勗。哉。夫。子。幸。先。烈。之。毋。忘。

據懷舊之蓄念

發思古之幽情

明史補傳

劉益傳

陳去病

陳去病曰。自古外患之興。恆肇於東北。而蔓延於中原。漢唐以來。迄乎金元。往事彰彰。略可數。已明天子治天下。高瞻遠矚。深計熟慮。知邊患之不可以混。而扞禦之不可以懈也。悠然展其謨略。示以恩威。使邊氓知所觀感。憬然來歸。是以不遺一矢。不動一卒。而安然收其長駕遠馭之效。若明祖之於劉益。要可紀已。

益礪山人。元末爲遼陽行省參政。順帝北去。益屯蓋州。以保金復諸衛。明太祖既平胡元。知東北壤地之遼遠。部落之蕃滋。而山川阨塞之險要。不可以脫然遽棄。不爲之籍錄。而加以羈縻也。繇是乃遣斷事黃儔。於洪武三年。齎詔諭益。并遼陽等處官民曰。朕承大統。即皇帝位。其年八月。元君大去其國。己而山之東西。河之南北。以及關陝內外。文武軍民。不戰來歸。中原境土。一時皆定。此實天意。非人力也。今年六月。左副將軍李文忠。副將軍趙庸。遣使來奏。五月十六日。率兵至應昌府。獲元君之孫。買的里八剌。及

第

其。后。妃。寶。冊。始。知。元。君。已。于。四。月。二。十。八。日。因。疾。而。殂。其。子。愛。猷。失。里。達。臘。數。騎。北。奔。天。運。之。去。昭。然。獨。念。遼。東。一。隅。尙。多。故。臣。遺。老。不。能。見。幾。遣。使。一。來。而。乃。團。結。孤。立。盤。桓。鄉。土。因。循。歲。月。甚。非。善。後。之。謀。邇。者。高。麗。安。南。占。城。爪。哇。西。洋。瑣。里。海。外。諸。國。猶。能。知。天。時。審。人。事。專。使。稱。臣。入。貢。豈。汝。等。之。智。所。不。及。耶。抑。我。師。之。未。至。耶。茲。專。遣。人。以。往。果。能。審。識。天。命。傾。心。來。歸。有。官。者。量。才。擢。用。有。業。者。各。安。生。理。朕。不。食。言。爾。宜。圖。之。益。遂。籍。所。部。兵。馬。錢。糧。輿。地。之。數。遣。其。下。董。遵。楊。賢。等。奉。表。於。帝。曰。聖。明。啓。運。殆。千。載。之。難。逢。遐。邇。歸。心。豈。一。夫。之。能。抗。非。由。人。力。實。乃。天。時。欽。惟。皇。帝。陞。下。大。德。有。容。至。仁。無。敵。乘。弊。於。板。蕩。棟。撓。之。日。開。基。於。龍。蟠。虎。踞。之。鄉。靈。旗。舉。而。中。原。底。平。溫。詔。下。而。遐。方。欣。戴。伏。念。臣。益。叨。榮。華。要。委。質。戎。行。援。絕。勢。孤。誓。死。本。期。于。君。素。力。窮。兵。敗。舍。身。何。讓。于。子。明。然。天。道。靡。常。人。事。不。一。故。伊。摯。保。身。而。去。夏。微。子。全。祀。以。歸。周。乃。去。就。之。明。規。繇。廢。興。之。有。數。茲。者。盤。桓。遼。海。慚。于。涸。轍。之。魚。瞻。望。京。雲。痛。若。喪。家。之。犬。勢。固。窮。蹙。計。出。倉。皇。謹。遣。右。丞。董。遵。僉。院。楊。賢。等。航。海。朝。天。望。風。投。欸。休。兵。待。命。希。泐。燭。乎。愚。衷。賣。劍。買。牛。乞。放。歸。於。農。畝。明。年。辛。亥。帝。乃。立。遼。陽。指。揮。使。司。並。遣。大。都。督。府。斷。事。吳。立。

承詔賚幣。至遼東。賞賚新附官民。即授益爲指揮同知。保遼陽故城。即今遼中縣其詔書曰。

曩因元政不綱。羣雄角逐。朕起布衣。提三尺劍。命我中國英豪。削平僭亂。撫恤黔黎。逾

二十年。天下已定。中原無兵革之虞。問者命將出師。東征西伐。摧強撫順。惟欲薄海內

外。咸底治安。於是識時務者。率衆來歸。共成大業。前遼陽行省平章劉益。能察審時幾。

推誠歸朕。以遼東地圖。遣右承董遵等。奉表來獻。朕甚嘉焉。雖漢寶融。何專前美。今特

置遼東指揮使。授爾益同知指揮使。爾其恪遵朕意。固保遼民。以屏衛疆圉。則爾亦有

無窮之譽。未幾。元平章洪保。保馬彥翬等。合謀殺益。於是帝復遣都指揮馬雲。諭祭。仍

歸其喪。碭山曰。維洪武四年。歲次辛亥月日。遣定遼衛都指揮使馬雲。以牢醴之儀。致

祭於遼東衛指揮同知劉益之靈。爾其俯伏諦聽。帝有諭焉。曰。爾昔居遼陽。控制一隅。

能順天道。達事機。奉圖獻地。幡然來歸。朕嘉爾誠。俾佐武衛。安輯海邦。方資懷來。未附

何失防閑。遽隕厥身。邊城之中。失此良將。朕甚悲愴。茲特遣雲。諭祭。且令有司護爾之


喪。歸葬碭山。爾其有知。歆此至意。明年壬子。遂棄遼陽故城。而改建。今治云。

陳去病曰。今遼陽縣治。漢唐以還。俱謂之遼東城。契丹主阿保機。又名之曰鐵鳳。在故

第

期


遼陽東南代子河上。俗稱太子河蓋自劉益之失明祖始命都督馬雲葉旺移建於此其形勢要亦險阻云顧議者或謂塞垣踔遠道里紆回守則力寡而備多戰則獨支而應緩不若還治舊城則一舍之內旌旗相望卒然告急呼響應而三岔河水草肥美甲於全鎮囊括膏腴省轉輸十二誠有所見而云然歟非歟



全遼總圖


據皇明世法錄

東北到開原邊境三百四十里
東南到朝鮮國一千七百一十里



南渡海水路約五百里到山東
東到朝鮮國一千七百一十里

第三十四十里



江蘇革命史略

丹徒趙君傳

柳棄疾

自五胡亂華。一馬化龍。而京口一隅。蔚爲南朝重鎮。所謂北府酒可飲。兵可用者。是也。金行代謝。寄奴挺生。內訌旣清。戎車遂駕。陳帥廣固。慕容就擒。因壘長安。姚泓面縛。於以正猾夏之誅。雪陸沈之恥。光祖宗之玄靈。振天聲於鑠武。功猗歟休哉。蓋自琅邪南渡以來。祖逖桓溫。所未有也。昔無忌異代。漢高怙愾。於夷門。端木問仁。尼父咨嗟。於微管。雄風雖逝。芳躅未淹。誦稼軒尋常巷陌之詞。冠帶遺民有餘慕焉。顧或謂寄奴醉心禪讓之業。倉皇南返。委秦地於赫連。恢復中原之烈。唾手棄之。故毀譽猶半。千載而下。漢厄重罹。士不帝秦。人思覆楚。迺有天水王孫。丹徒布衣。承祖宗之餘烈。踵江山之間氣。慨焉欲挽天地而澄清之。櫛風沐雨。有志於救民。黃屋左纛。無心於嬰網。以視寄奴。楚社方夷。宋臺早建。公私之判。復乎遠矣。顧虜燄方張。義旗屢仆。出師未捷。賞志長埋。管樂有才。關張無命。白魚遲躍。黃鳥先歌。寧非羲軒之不幸。而華夏之大哀乎。

第

一

期

四海雖遙。百世雖遠。悲歌慷慨之士。猶將憑弔。前人慕義無窮。而况誼託同盟。身慚後死者哉。去病之石。未勒於燕然。有道之碑。遽徵夫玄壤。江村六月朔風夜號。鬼雄有靈。庶幾相余。淚濕隳糜。魂填溟渤。後有來者。請視斯傳。傳曰。君諱聲。字伯先。姓趙氏。丹徒之大港人也。父爲鄉老。有聞於閭里。君生而有志。龍行虎步。瞻視非常。既負奇慧。復擅神力。慕義若渴。疾惡如仇。大港固有虜吏。一日捕市人置獄。其母泣請於君父。父逡巡未應。而君已入獄。破械挾囚出矣。時年甫十四。一市皆驚。吏亦無如何也。少負神童之目。九齡應試。邑令欲畀以冠軍。君願弗肯。循繩墨。作字大小錯出。縱橫溢尺幅。乃已稍長。成諸生。復舉拔萃科。才名籍甚。會科舉廢。入江南陸師學堂。既卒業。任新軍標統焉。自滿州盜中國。二百數十年。胤祖弘曆。屢以文字興大獄。士無敢言種族者。民益憤然。忘仇事虜。太平天國坐是敗。談者猶寇洪。于帝愛親。勿悟也。孫逸仙起惠州。響應未衆。踰歲而蘇報倡道於滬。瀆昌言夷夏之防。鄒容諸子相繼著書立說。民族風潮始一日。遍東南。數行省。君自肄業陸師時。已隱然自任。匡復之重矣。既掌兵柄。意氣益發。舒嘗率部下謁明孝陵。猝詢於衆曰。若曹亦識此爲大明太祖高皇帝陵寢乎。衆有知有。

不知則雜然應君慷慨大言高皇逐胡元奠漢族功業隆重無與比倫至聖安而復亡於虜閩浙陷滇黔忽諸地下有靈弗來享矣吾曹亡國民其何以報前皇衆皆失聲痛哭復雜然和曰唯主將令是從君喜撫循之益力語駸聞於虜江督將中君以危法顧事無左證第罷其職所部兵士夙歸嚮君臨別贈言淚盈盈承睫也君既不得志於江南則北走津沽從皖人吳樾遊吳之將刺虜酋端方也君實與其謀多所擘劃謀定吳促君南行君貽詩告別吳答以書曰每誦君詩不覺心酸淚落豈某之傷懷後事而出以兒女之情乎抑詩意之感人深也復謂某爲其易君爲其難蓋以程嬰杵臼之誼相勗云及副車誤中吳以身殉君益指天劃地誓有所爲遂入粵復任新軍標統會廉州以抗稅樹幟士人劉恩裕爲之魁四方志士多孱入其軍勢稍稍張虜粵督命君率師禦之君既抵境密遣部下通聲氣顧劉起草澤無足共事虜將郭人漳與君同行又時擊其肘君怒謀誅之弗克知事未可爲遂馳告諸志士使他去而劉黨亦分道離散廉事遂定君設宴廉之南門外海角亭招諸將校痛飲酒酣卽席賦詩有八百健兒多踴躍自慚不是岳家軍句蓋君以所志弗就徒爲虜馳驅不能無所怏怏也顧郭人漳已

冒其勳受虜上賞矣。君既班師旋廣州。虜粵督張人駿亦器其能。將畀以重任。而端方自江南密電戒張。謂君才堪大用。顧志弗可測。毋養虎肘腋。致自貽患。張獲電。遽削君兵權。使爲陸軍小學監督。未一月。復降督練公所提調。君知無望於內。遂請急歸吳。一省其家。復走香港。謀大舉焉。香港密邇兩粵。又爲虜政令所弗及。亡命之士多嚮聚於是。既獲君來。咸大驩。君以粵新軍多已舊部。且與虜吏不相中。謀藉其力。以覆廣州。一旦度庾嶺而北。中原可圖也。因屬其事於皖人倪映典。而已爲之謀。主顧事終弗集。映典殉焉。虜吏知謀出於君。懸五萬金購其元。偵騎四出。卒無所獲。威名愈振。初揚州熊成基者。在江南時曾隸名麾下。受其陶鑄。及虜酋載活那拉母子相繼暴斃。熊遂起兵於安慶。事敗走海外。謀刺載濤於哈爾濱。機洩死之。君素未以國士期熊。聞耗歎息曰。昔在金陵。賢豪輻輳。若熊者。殊碌碌不足道。孺子今日乃能先我成名也。曾汪精衛黃理君。北入虜窟。刺攝酋載灃。復不得當。且被囚。君益發憤。遂奔走南洋羣島。遍訪其豪傑。備軍實。購器械。期年而後有成。將以紀元四千六百九年辛亥夏四月。潛師襲廣州。推黃克強爲總司令。率同志先期入粵。而君與胡漢民駐港備後。勁於是。吳楚閩粵。

滇。桂。洛。蜀。皖。贛。越。十一國之士相繼來會論者咸謂中興有日矣。會粵人溫生才新自南洋歸。狙擊虜將軍孚琦。殪之。廣州大震。戒嚴。而虜之詞人有廁身吾黨者。復漏師焉。虜兩廣總督張鳴岐。水師提督李準。益擁兵自衛。且下令大索黨人。知謀洩。有議解散爲後圖者。克強持不可。謂網羅已布。散所無之戰。亦亡不戰。亦亡不如先發。事縱弗成。猶足以謝天下。而激後起也。衆曰。諾。三月二十九日。遂攻虜督署。人之張鳴岐倉皇遁。垣遁。而李準兵忽大至。乃巷戰。人自爲鬪。無不一以當百。殺傷相當。顧衆寡弗敵。卒敗。北石經武。宋玉琳。石慶寬。喻倍倫。姚國樑。秦炳。王明。韋雲卿。羅節軍。周華。勞肇明。李芬。林常拔。杜鈺興。黃養皋。李晚。王鶴明。李文楷。馬呂。羅坤。李子奎。李文甫。林修明。饒輔廷。李羣。陳文坡。陳文有。嚴確廷。黎開。龐雄。羅聯。羅裕光。梁緯。徐明。林文。方聲澗。林覺民。林尹民。陳與燊。陳可鈞。陳更新。馮敬。劉元棟。吳適。劉六湖。郭炎利。郭增興。郭鈿官。郭天財。翁長祥。陳孝文。陳大發。林茂增。王文達。曾顯虞。金鼎。周團生。吳順利。丁細弟。柯刁爲。劉枕玉。陳志。徐晒西。封來冕。阮德山。華金元。林華嵩。周增。林清華。劉爐。陳文。李仲。陳保榮。李自恩。林榮平。張竹游。陳作新。吳炎妹。林七妹輩百餘人。先後死之。獨克強等數人得。

第

一

期

脫問道走香港。初君與克強約師期既定。即親入粵。會二十六日。某女士自粵渡港。謂機緘已漏。事且勿諧。君因留港俟之。而不虞衆之驟發也。既得密電。知有二十九日之舉。即倉卒就道。舟行晦日晨始抵廣州。則事已大去。黨人盡死。遂復回港。感憤成疾。醫者爲癰生於腸。請割治。君急於離港。弗允。顧病益甚。黨人送之入病院。施刀割。而遷延日久。體弱癰成。亦已無及矣。君初病。神志猶清。既施割。翌晨略黑血。遂昏憤。時狂呼曰。黃帝來詔。或曰。岳武穆來晤。四月二十日。竟卒。年三十有九。克強諸人殯之於港。顏其碑曰。天香閣主人之墓。

柳棄疾曰。得臣猶在。晉憂未艾。伍員不來。楚其旰食。人才之關係於國。運豈不重哉。廣州義師雖敗。識者謂克強有天幸得脫。而君又健在左提右挈。捲土重來。天下事未可知也。虜廷以君再蹶再起。事敗而名逾張。忌之益甚。復疑其伏處大港。緹騎絡繹鄉里。騷然豈知君不死於沙場。不死於柴市。而遂奄忽。牖下乎。北征葛相。遽痛隕星。南渡宗侯。空呼渡河。天其終不欲漢族中興耶。何奪我伯先之速也。嗚呼痛哉。君嘗爲友人書聯。出句用汲古得修綆。友曰。偶句其盪胸生層雲乎。君曰。吾不作頭巾語。乃大書交情。

脫寶刀五字。書法奇崛。下鈐一私印。則天水王孫也。時作小說。尤饒奇氣。舒捲雲霓。吞吐海岳。蓋岳鄂王石翼王之倫。豈章句小儒所能夢見哉。飲酒可數斗許。醉後有力如虎。其在粵反吳也。僚友爲置祖筵。既醉則漫罵其座人。伸足蹴垣。深人者數寸。力拔之。出血淋漓。不顧。既抵滬濱。與余邂逅於酒家。介丹陽林懿均而訂交焉。終席無一語及國事。明日卽別去。然余觀君眉宇間。英氣咄咄逼人。雖微林君言。亦知其非當世第二流矣。聞君首途時。遇突強爲不義者。奮拳毆之。至垂斃。幾扞文網。益想望其爲人。自君走海外。復遭名捕。萍蓬蹤跡。不復可親。去歲九月。君客遊檳榔嶼。始屬蜀友雷昭性。輾轉存問。泊余裁書叩起居。而君已他往矣。今年三月初。復以書來。詞曰。別來三載。相思無已。偶於近刻。得見詩文。吟誦至再。如對古人。茲有請者。弟自出亡以來。未敢少自放棄。近極意經營。所事在指顧間。惟阿堵物尙虧一貫。就力所到。已窮羅掘。焦思欲燃。若因是掣阻。殆不止王敦笑人。昔公瑾用兵。子敬指囷以贈。江鄉先哲。高義如許。矧用急難。遙呼將伯。千鈞一髮。尤甚前人。見信望卽於數日內。籌措至少兩千圓。電匯香港。以供急用。萬勿見却。他時握手中原。必有以謝君也。余旣得書。而力未能報。乃賦詩一

期 一 第

章以告罪。有此情。或者皇穹諒。忍死猶堪睹。凱旋句。蓋自憐。蟣蝨下才。謬廁同盟之末。既不能如終軍之請纓。復不能如卜式之輸財。內疚神明。外慚良友。幸而日月重光。冠裳再造。專車之骨。獲免於塗。山羊裘之足。得加於文叔。寧非大幸。詎料平陵一蹶。蒿里再歌。地坼天崩。山枯海竭。君子猿鶴。既反袂於黃花。賢者龍蛇。忍招魂於朱鳥。天實爲之。謂之何哉。然而人心未死。來者難誣。沈書智井。終開大明之天。抉目胥門。會見勾吳之沼。西臺臯羽。尙有餘哀。南國夷吾。詎無佳傳。爰以祈死之范文。勉爲執簡之南史。君真諸葛大名。垂宇宙之間。我愧尼山絕筆。繼春秋而後。

新國民史

劉道一傳

章炳麟

劉道一字炳生。湖南衡端山人。少慧。五六歲時。讀孟子。能成誦。稍長。志益厲。時海內外多故。道一少年氣壯。所思輒軼常軌。讀漢書朱虛侯傳。至非其種者。鉏而去之。遂自署曰。鉏。非是時。美人凌志霄。設校湘潭。道一受學三年。學既通。英語尤習。以鄉里無良師。遊湖北。不合。去之。日本。道一聽聽。而有口所至。數月。輒能效其方俗語言。至湖北。即爲湖北語。至上海。卽爲上海語。聲氣密合。莫審其何所人。與兄揆一密謀光復事。道一始與會黨馬福益相知。引兄與立盟誓。甲辰冬。馬福益起兵瀏陽。事敗。揆一乘間走日本。時道一已前至。而父以馬福益事繫獄。求揆一益急。揆一既不得歸。理父事。乃遣道一返。比至長沙。獄事解。道一侍親凡數月。復東渡。念其父素多疾。無奉養者。丙午春。道一復歸國。欲迎居上海。得就近省問。留數月。父病偏枯甚。遂趨赴家。十月初七日。抵長沙。鄉里無賴。疑爲揆一。欲呵取金錢。不與。乃致之有司。有司亦不省。呼以揆一。後知其非。

第

一

期

是無以罪也。欲藉虛言羅織其事。以刑具示之道。一呼曰。士可殺。不可辱。乃罷。獄中與人書曰。道一必不忍。以父母所受之軀。爲毒刑所壞。彼若刑訊。吾則自承。爲劉揆一以死代。兄吾志決矣。有司既不得道一事。視其所佩印文曰。鉏非。遂以定獄。十一月十六日。獄吏呼道一。瀏陽會黨有引若者。今傳至瀏陽質之。以竹轎與道一出。長沙東南瀏陽門。渡隍。遂曳以下。倉卒未及縛。魁創舉刀斫之。四擊乃斷其頭。道一死。時年二十二矣。明年春。其父亦死。

章炳麟曰。道一兄弟皆醜。厚其數。歸鄉里。垂餌虎口。終以致戮者。爲其父耳。余見世之言革命者多矣。各偷薄寡孝友之誼。或有言當踐蹴二親者。聞道一之風。可愧也。

叢談

粵游雜記

巢南

廣州雙門

閱同治番禺志金石略云。雙門大街。有前明廣東布政司重修雙門鼓樓記。係成化六年夏六月既望所立。其碑文及撰人俱剝蝕。難以悉讀。第中有云。雙門鼓樓。一名清海軍門。始葺於宋紹興丙子。改作於淳祐甲辰。又云。洪武甲寅重建。至成化己丑。已三百四十餘年矣。去病案。此記言雙門。即清海軍門是也。言始葺於宋紹興。則非也。蓋清海軍門者。唐劉隱之軍府也。隱既建府第。乃就其前番禺二山交會處。起立雙闕。爲清海軍譙樓。是爲廣州鼓樓之始。及僭號。乃用臣下言。撤去其額。至宋重建。又易雙闕爲雙門。云。黃花岡之役。方聲洞黃興敗。逃至此。洞遽躡。遂被執焉。民國八年。魏邦平楊永泰辦市政。盡撤之。以廣道路。

廣東通志

叢談

粵游雜記

廣東通志。創自戴璟。成於黃佐。今俱不可曉。及萬曆朝郭棐修之。乃始大備。書凡七十二卷。計藩省志十三卷。郡縣志四十九卷。藝文志三卷。外志七卷。仙釋寺觀列之外志。較他志體例爲協。又增罪放貪酷二門。以示譏貶。則彷彿嘉靖江西志例也。去病案。徵州府志。亦列有奸邪一門。以紀載汪直引致倭寇事。頗爲詳備。未始非善善惡惡之道也。

鈎割雀閣雀

廣州阮通志輿地略物產羽族類。引廉州府志鈎割雀。四五月夜半飛叫。若云鈎割。年必豐。鈎割。年必歉。又引郝志。閣雀。晝不見形。每歲初夜。向東飛鳴。聲閣閣。必兆歲豐。鈎割與閣閣聲相近。大抵一禽也。去病案。此俗謂布穀鳥也。桑扈鳴則交交。然類似鈎閣。吳人所謂家家布穀是也。廉州志等所載。殆皆懸揣之詞。阮氏不加糾正。反爲援引。誤矣。

孔廟

光緒三十二年十一月十五日。清德宗特旨升孔子爲大祀。禮部議遵闕里廟制。街門。

三間大成門。五間大成殿。七間並通覆黃屋。神牌用金地。青書神幄。及案衣用黃雲緞。爵均用玉。祭品十二籩。十二豆。樂舞八佾。並用文武舞。其崇聖詞用太牢。十籩。十豆。自京師至於直省各府廳州縣學一如之。

又三十四年。禮部奏准從祀孔廟之人。黃宗羲在東廡。孫奇逢之次。顧炎武在西廡。陸世儀之次。王夫之在東廡。金履祥之次。

學堂獎勵

光緒二十九年。京師大學堂。直省高等中等各學堂。暨游學外國畢業。分別獎給進士舉人五貢。並授職。吾邑得獎者。有蔡寅。錢崇固。崇威。任家泗等若干名。

罷科舉

光緒三十一年。詔罷科舉取士。而推廣優貢。至壬子科止。廩生挨次准貢。其舊曰舉貢。詔每屆三年。由督撫保送赴部考職。請旨錄用主事。中書知縣各職。至癸丑年止。與向例舉人考中書事略同。

六榕寺塔

第

廣州六榕寺。在舊將軍府西偏窰塔坡。與英領事署斜對。梁大同三年。沙門曇裕始建。賜號寶莊嚴。有塔曰舍利。唐王勃嘗有記。宋端拱中改名淨慧。旋燬於火。元祐元年。郡人林脩夢神告以故蹟在子城朝天門外。因爲重建。塔成。易名千佛。凡九級。高二十七丈。紹聖時。蘇軾來游。寓天慶觀。沙門道綜丐公題額。會寺有古榕六。俱大盈抱。軾因題六榕兩字贈之。懸諸楣間。此今日寺名之所由來也。咸豐六年秋。颶母爲災。塔頂委墜。及同治甲戌七月。將軍長善與節相瑞麟。巡撫張兆棟。復大加葺治。凡十閱月而成。今考其經始之時。蓋正余誕生之日也。喜其歲月之適符。故詳紀之。

君臣冢

君臣冢。在廣州北門外流花橋側。明唐王聿錡與大學士蘇觀生合葬處也。橋近朝漢臺。爲南越王尉佗遺蹟。又珠江南岸三山之陽。有碣曰皇明虎賁將軍晉封縣伯電輝王公。偕同節元配張氏一品夫人暨十五庶夫人之墓。據羊城古鈔云。電輝名興。清兵入粵。堅守文邨年餘不下。糧盡。闔室自焚。當事憐之。葬之河南南箕村。

水利

水利不修。斯旱潦交病。吾邑水鄉。潦患尤甚。防患之法。厥類有六。曰測繪。測量境內東西地之高下與水之深淺而分別其上下游以繪爲水道圖也。曰圍田列表。吾邑圍田總約一百二十萬畝。世俗通稱爲圩。其圩大小通約一千百有幾。各以千文字編列名。次號曰魚鱗冊。最便尋檢。惟坍漲不常。明代清初之冊籍畝數多與近今不盡符合。今宜悉取現行糧冊按照舊日都圖詳細分列爲表。庶幾一縣錢糧完納之總數燦然悉覩。而與測繪亦互相表裏矣。曰潦期日搶救。著其時日以相戒備。庶臨時抵禦不至張皇失措。所謂急則治標也。曰築護日疏濬。則根本之圖也。

吳越事略

吳江縣置自梁開平三年。中歷吳越諸王至錢俶納土爲日甚久而邑志不載一事。殊失之陋。宜仿廣東通志前車畧於大事記中備紀之光宣至今。或照南海志列一表分紀。事統部本縣三緯亦可。南海志統部與縣之間多府一緯今府已裁可省

蛋戶

蛋戶其來不可考。據宣統南海志雜錄引舊志云。秦使尉屠睢統五軍監祿殺西甌王。

第

越人皆入叢薄中。莫肯爲秦意。卽其遺民。以舟楫爲宅。捕魚爲業。辨水色。則知有龍。故昔有稱其爲龍戶者。今則統目爲蛋家。不許登陸。與齊民通婚姻。明洪武初。始爲編戶。立里長。屬河泊所。歲收其魚課。又輿地略前事補引。黃通志云。明洪武十五年三月。籍廣東蛋戶萬人爲水軍。時蛋人附海島無定居。或爲寇盜。故籍而用之。又清雍正七年。令廣東蛋戶聽其登岸居住。自清末解除苛令。其民亦一視同仁矣。去病案。蛋戶一稱。蛋戶。俗又作蛋。字體蓋三變云。

文苑

▲文錄

陳母倪節孝君墓碑銘并敘

孫文

中華。民國。五年。八月。余再入浙。觀虎林山水。遂登會稽。探禹穴。修秋禊於蘭亭。泛娥江。而東。邁從我遊者。二。三子外。惟吳江陳子。去病與焉。舟行多暇。每爲余述其母夫人倪節孝君之賢。余既聞而志之。及歸。因復以表墓之文。請去病能詞章才名滿天下。瀧岡阡表。廬陵自優爲之不敏。如余尙烏庸綴。徒以十年袍澤。患難同嘗。知去病者。宜莫余若。爰爲之言曰。從占節母之後。無弗昌子。旣自樹以振家聲。則昌大之說。信有徵矣。而余所尤望于去病者。當祇承先訓。敦品立行。以達賢母之孝。堅持雅操。勿效于邪。以彰賢母之節。毀家紓難。母繼於欲。以葆賢母之義。親親博愛。物與民胞。以廣賢母之仁。夫如是。而去病爲人。益用竺實。節母賢孝。益以光輝。寧非顯榮其親之至計乎。不狀蹈履。頗側以危厥身。志慮苟且。以辱厥親。吾知雖甚盛德。亦弗蔭茲。夫又何恃而不恐懼也。

第

哉。既以勗。去病。遂書之。石。俾過斯地者。知矜式焉。係以銘曰。
玄黃剖判。兩儀攸分。媪壤滋植。冰蟾代明。命不常融。衝無終否。蒙難艱貞。事迺有濟。猗
嗟。陳母千乘之英孝。侔齊女節。媿陶嬰寡。鵠休歌丸。熊益勵翼。卵完巢。綢繆庶幾。遭時
板蕩。倬彼弘謀。用財自衛。倚柱沈憂。遺孤彬彬。徽音用嗣。我銘其幽。永詔來禋。
中華民國六年一月一日前南京臨時大總統香山孫文撰

楊忠文先生實錄敘

陳去病

烏。庫。有。明。三。百。年。養。士。之。隆。而。卒。食。其。報。不。至。鉅。哉。蓋。自。熊。嘉。魚。作。宰。吳。江。進。詔。生。而
講。藝。於。是。邑。之。子。弟。始。創。復。社。而。楊。維。斗。先。生。廷。樞。實。主。盟。焉。一。會。於。尹。山。再。會。於。虎
丘。三。會。於。金。陵。洋。洋。乎。復。社。之。名。踵。東。林。而。彌。盛。矣。建。酋。入。關。義。師。雲。擾。東。南。一。隅。激
厲。尤。甚。忠。憤。之。氣。瀾。漫。六。合。辱。臣。降。將。如。吳。勝。兆。一。朝。觀。感。亦。復。洗。心。革。面。翻。然。改。圖。
事。雖。不。成。要。足。寒。胡。虜。之。膽。矣。顧。乃。瓜。蔓。抄。殘。大。肆。屠。戮。株。連。所。及。幾。於。十。族。觀。乎。維
斗。先。生。殉。國。之。際。不。可。欷。哉。往。嘗。讀。其。門。人。張。氏。所。撰。靖。節。編。竊。心。焉。儀。之。印。行。于。世。
極。思。網。羅。放。失。輯。其。遺。文。以。彰。厥。志。塵。事。忽。忽。未。遑。卒。業。友。人。許。觀。自。蘆。墟。來。以。忠。文

實錄相示曰此夢琴陳先生之所作也。沈闔且百餘年矣。陸君明桓。柳君繩祖。顧而盡焉。將謀諸梓。子盍爲敘之。余不覺悚然驚起曰。誠有是耶。是則予私心之所願而未遂者也。顧今乃償之耶。因相與日夕考校。爲之補遺一卷。以附於後。乃作而歎曰。嗟乎。先生名垂史冊。亘古常昭。身後之文。其存佚曾何所顧恤。而世之欽其人者。過分湖之渙。謁泗洲之寺。覩夫圯橋。寂寞祠宇。蒼涼自油。然生其慕戀之忱。相與詠歎流連而不能去。則夫夢琴此作。固出於人人心理之所同。而何可少邪。孟子輿謂聞伯夷之風者。頌夫廉懦夫有立志。方今人欲橫流。廉恥道喪。舉世正苦無忠文其人爲之挽狂瀾於既倒。而諸子乃能亟亟以刊是錄。則不第夢琴慇懃纂輯之心。藉堪稍慰於地下。而於以闡揚名教。辨別華夷。以樹之大防。此其裨益不尤有賴哉。不尤有賴哉。中華民國十六年元旦。吳江陳去病。

勤補齋銘并敘

陳去病

嗜昔之夜。夢登一堂。仰視楣間。額曰勤補。書體剛健。類曾湘鄉。不覺恍然曰。是殆公之。所以求闕名齋歟。未幾而醒。因自號焉。客有詢其故者。曰。子殆有契於勤能補拙之謂。

歟。予曰唯唯否否。夫勤以補拙。拙誠可免矣。然而拙之外者。寧遽無當補者在耶。荀卿述孔子之言曰。少而不學。長無能也。老而不教。死無思也。故君子少思長則學。老思死則教。予少失學。遂至無能。今年且老。忝膺教授。其闕蓋亦多矣。不動補之。將無能無學。竟老且死。尙何思之足云。君子疾沒世而名不稱焉。及今而補所學。與其能猶或可以教授於一時。儻復邁往而前。力圖吾身之所當補者。而亟補之。則不特於學於能多所裨益。而於教亦庶幾其無愧矣。寧可不知所鑿厲哉。既以榜吾齋。復爲之銘曰。學不殖。將落惟力耕焉。乃穫是穰。是養既霑。既足吾庶幾乎不辱。

▲詩錄

輓劉道一烈士

孫文

半壁東南三楚雄。劉郎死去霸圖空。尙餘殘局艱難甚。誰與斯人慷慨同。塞上秋風嘶戰馬。神州落日泣哀鴻。幾時痛飲黃龍酒。橫覽江流一奠公。

鳩鵲案戶鳴爲劉道一作也

章炳麟

鳩鵲案戶鳴。似聞楚聲歆。問鵲何能爾。云是杞梁妻。良人始廿二。帶劍冠雄雞。繚繚善

方言。白皙無髻髭。中原昔板蕩。海水澹羣飛。不知何老公。屯聚湘水湄。阿兄好交遊。蓬頭著麻屨。傳呼良家子。步入郭門西。劉矛長八尺。空養張弩機。一朝事不就。鍛翼各分飛。阿兄走吳會。小弟逃東夷。阿翁年七十。風痺不可醫。家室空無人。牆上生蒿藜。良人念當歸。歸來一何遲。上山請玉兔。搗藥丹砂衣。父病霍然已。辭去下堂階。不知何老公。手持三尺微。繫頸出門去。相將入園扉。問我得何罪。云子字鋤非。上堂乃無語。歎已召屠魁。按條當棄市。銜冤欲懇誰。南山有一鳥。啾啾鳴聲悲。言子東南行。爲報阿兄知。已斷勾吳髮。難採西山薇。黯黯瀏陽門。淒淒誰撫屍。葭蓆蓋槁骨。封棺一丸泥。人生會有死。蒿里洞無厓。不如登祝融。仰天捫虛危。傳語當世人。請視杞梁妻。

新都口號丁卯

陳去病

龍蟠虎踞擁神州。舊物重光孰與儔。綿蕝朝儀追漢室。羽觴遺俗慕成周。過江子弟爭迎。擔莫愁湖初名迎擔湖相傳晉室東遷士族來歸都人相率迎擔於此打槳嬰娃盡莫愁。從此東南佳麗地。金陵常得似金甌。

吳斯千以苦熱詩見示值新涼中人因別作一首答之

才洗炎氛又著涼。分明白帝乍司方。班姬紈扇添新詠。張掾菡絲憶故鄉。嫋嫋風多辭

江蘇革命博物館月刊

文苑

六

木葉粼粼波起盪。菰蔣杜陵獨有悲愁客。怕看胥濤萬丈長。
 一時越燕盡驚飛。報道橫江雁。又歸吳苑梧桐知。自落甬東舟楫。欲何依。爭傳鯨甲臨。
 風動錯愛鱸魚似雪肥。最是東南兵燹後。萑苻滿地稻梁稀。

促織吟四章示季新

促織促織。菅蒯絲麻。一齊著力。秋涼夜長。母徒將息。織成文章。姿容生色。
 促織促織。陰牆隅荒。荒殿側鳴。鳴夜鳴何。其悽惻黃姑。隔河木蘭。絕域。
 促織促織。瓜架斜傾。豆棚低植。胡弗憚勞。唧唧唧唧。嬾婦驚回。頑童捉得。
 促織促織。土穴號寒。金籠賣力。跳蕩不休。終憐反側。宰相何辜。因以覆國。

絡緯吟

既成促織之吟。忽抱宗周之痛。休嫌饒舌。聊復呻吟云爾。

絡緯絡緯。悲哉秋氣。瑟瑟蕭蕭。勦離增尉。蟬曳殘聲。鱸添香味。歸去來兮。滿堂富貴。
 絡緯絡緯。振羽如沸。露冷風涼。王孫歸未。銀漢波深。梧桐枝蔚。魂兮歸來。予心用慰。
 絡緯絡緯。炎蒸可畏。心憂宗邦。寧嫌詞費。赤舌燒城。甘霖誰灑。歸來歸來。相期毋諱。

偕溥泉理鳴羣十汎舟玄武湖

玄武湖中千葉蓮。當時娟媚絕人憐。如今盡落歸何處。只爲周遭漲葑田。

湖中蘆葦甚盛而紅葉僅見一

采予謂羣士此可以喻共產黨傾軋吾黨之象羣士深然之

菰蘆中信有人在。天地外斯無所愁。漫道一泓江共遠。

韓詩江共兼葭遠

雁聲到處總成秋。

陸遊詩驛

外清江十里秋雁聲初到荻花洲

一櫂縈迴祗自航。水禽飛處頓生涼。俄看夕影沈西去。又見東山月上牆。

溥泉述湖中水鳥晨夕喧聒清絕可聽予因此而韻之得詩兩絕博

同遊一笑

姑惡姑惡姑不惡。得過且過竟自過。只恐朝來泥滑滑。直教行不得哥哥。阿翁阿翁無一可。朝朝貰酒提壺盧。兒獨捕魚自辛苦。脫却布袴來淘湖。

總理奉安病不克赴詩以紀哀

一臥荒江歲月遲。寢門回首有餘思。天等儻赴靈山會。

公自補陀佛頂山下入佛寺忽願從者詢寺前何熱鬧乃爾衆答未有所睹公

曰否否予見有綵坊旗幟人物甚衆而云無睹何也衆咸愕然既入寺公復導衆出至一石壁下曰吾所觀者乃在此初以爲山僧結綵歡迎今果無之奇哉方丈乃揖賀曰大總統洪福齊天此佛光相照也展堂急止之曰慎

無言滋羣疑 妖鳥曾驚粵水湄 一日予與梓琴仲良諸子集滬江水閣納涼忽東南角有斷雲一片如五色

瑞言之亦未之信也既而楊屋如兵果至事已不可為矣 表墓式廬承異數大書深刻仗豐碑 既

為_示人書二陳先生之墓一碑又為倪節孝君書女 感恩知已今何在神烈峯高淚滿頤 之師表類以示旌異未幾又撰墓碑銘俾勒諸石

與楊少筠周仲良狄君武朱佛公張亞潛諸子話香山公遺事一首

登舟高唱柏梁詩 游夏何人贊一辭 獨見漏卮還自塞 任談懿德轉相知 既從寶刹捐

柔翰更策瓜皮問 險巖媿我馳情滄海闊 不曾珍重電波危 自會稽東游先生願子盍賦詩以

句而從游諸子謙讓未遑莫為之繼惜哉時船底稍漏先生立起塞之予謂此舟人之責何必親勞先生云操舟

人少不當再益以事卒補成之既而欲窺飛蚊交集子與展堂坐船底互談先人懿德先生臥帳中靜聽祇輕搖

蒲扇而已明晨過百官為寺僧書法堂諸類駸駸入古至象山灣獨駕舳板探海久之乃還見子立甲板上即援

梯欲登既忽疾下曰殆哉予急從之且叩其故曰此無線電處勿宜登子不覺悸甚蓋時在建康艦中艦長則閩

人任光 字也

雜俎

浩劫遺灰

勤補學人 陳去病 輯

楊廷樞字維斗吳縣人解元隆武元年殉國

與冒辟疆書一

弟碌碌無奇。偶不見棄於海內。大君子同聲推許。聞譽過情。中如敗絮。良可愧汗。不謂夢寐中。乃與吾兄如此作合。念弟德不足以動天。行不足以感人。何以得此於吾兄哉。北闕再搖。黑貂幾敝。造物播弄。從來不可測識。真儒有體有用之學。冬爐夏扇。何時參究得盡。正恐富貴逼人。引入坑塹。此事究竟不了。吾兄所云。不爲便宜學問。小乘歇手所誤。至哉斯言也。曩北歸道中。卽作三載埋頭之計。胡天不弔。先君卒然捐館。傷毀摧殘。魂魄喪並。苟存一息。以奉兒筵。日居月諸。皆同夢夢。自謂此生。一切俱廢。今得吾兄之教。既燼之灰。不覺復燃。大刻雄文盛藻。光前耀後。其爲新道摧陷廓清。變漓養瘠。非淺鮮之事也。倘有新篇。更祈賜教。佳扇出入懷袖。如見君矣。前秋手扎。意者付洪喬手。

耶。走筆則報悠悠我思。他時相晤。當執前言爲左券。同人集

與辟疆書二

第 一
自捧手翰。轉盼居諸。忽將二年矣。歲月如流。功名不立。至道無聞。有志者所重。悲歎放棄。益增其懶。思捐謝一切。求他日出身立命之地。不欲以文采表見於世。香以薰自燒。膏以明自煎。老人之所以弔龔生也。吾師乎師乎。顧障深垢重。不能一日掃除。吾兄猶以自據自信慰我。其然乎。中外交訁。當事束手。即使昌言滿紙。施之實用何裨。吾兄素有志於經濟。抱膝靜觀。當何如也。大文多垂世之篇。小鳥不敢龔佛。妄附評語。以志欣慕。不知堪廁人大刻否。同上

送文彥可移居寒山趙氏山房

狐赤驚催雨雪裝。林宗此日濟仙航。長貧未築文山宅。懷舊先歸小宛堂。國惜老成遺碩果。家傳名德護薰香。相逢烟水經年事。何必重陪澗谷傍。吳縣志

楊无咎字易亭廷樞字

高陵行

出城南望高陵。有塚纍狐兔。登行人不識。王侯之骨在其上。惟言此是孫堅塋。我來過此再拜。傷爾地下英武壯烈之英魂。在昔東漢末。四海奔爾堅爾策。皆是千古非常人。在母腹。咸有異徵。婦夢太陰人。姑夢腸出。圍繞吳閭門。及其生也。皆以弱冠成奇勳。討董卓。殲黃巾。武烈皇帝先後之績。百世不可泯惜也。岷山之下不克備。終以輕敵殞厥身。長沙王忠孝本夙成。志存報國。一飯不敢忘其親。擊劉表兮破黃祖。絕袁術兮降劉勳。報讎雪恥。一時江左豪傑無其倫。何天不使永厥歲。年未及壯。遭彼刺客。命以傾使我千載而下。讀史至此。猶悲辛。彼仲謀誠庸人。甘心事篡賊。北面稱藩。臣死從地下。有何面目見此父與兄。何況當日登斯陵。已矣哉。勿復哀。當塗陵寢成蒿萊。典午之墓亦已頽。只今獨有高陵上下。盡雄風萬里來。吳縣志

閻爾梅字古古沛人有白奔山人集

獄中作時僞官武愔下先生于獄武本崇禎進士

死國非輕死逆輕。鴻毛敢與泰山爭。楚衰未必無三戶。夏復由來成一成。日月有時經晦蝕。乾坤何日不皇明。寵新豈是承恩者。空自將身買賊名。明季南略

邀施誠庵鳳儀吳日生易兩職方集雲龍山

去病案此詩當是乙酉春閒所作蓋正史公撫定高傑軍時也

漫向山廬起臥龍。山廬深銷翠嵐重。方聞義士爭超距。其奈王師戲舉烽。紆道往尋前代蹟。移樽直上最高峯。黃茅岡下苔紋古。處處坡仙怪石供。

羣水羣山護此山。斷碑無數立中間。平田樹紫春如繡。殘雪峯青夕更斑。熊耳銘功悲事往。龍門遺妓想官閒。行來鶴室荒蕪盡。應是當年放未還。

熊魚山先生賸集卷一

嘉魚熊開元魚山著

吳江陳去病佩忍錄

閩疆奏疏

恭謝天恩疏

臣至迂闊。幼從師友。學聖人之道。謂堯舜必可爲。太平必可致。見一切人所爲。輒不禁悲感。以故通籍二十有一年。先後在朝廷。纔浹歲。言與禍俱。動犯戮辱。羣養交之士。咸稱不詳。壬申秋降虜。道出南陽。皇上不以臣爲有罪。錫以龍文。謬加褒歎。旣又不遠道里。問貽其父母。臣何人敢膺此數。而皇上嘉與人倫之意。固以冒八極。越千古矣。兩歲以來。天地崩裂。人無生理。忽讀皇上前後詔書。遠邇凡庶。如從黑月。睹日中天。况臣受知。歷有年所。爲社稷神人稱慶。何止恆情。不幸癸未十一月。于刑部獄中。聞老母訃。迄今服未闋。甲申九月。復于戍所。趨歸。聞老父訃。則皇天實重罰臣。使不得觀光。非臣敢後至也。嘗念臣不謹於登高臨深之戒。以抵觸罪輔。幽囚榜掠。貽二人百憂。比其病不

能視藥。比其死復不能視。含撫心泣血。抉胃抽腸。無可解免於人世。計惟有槁死巖壑。終身不爲祿養。庶幾見廬江毛義地下耳。故聖安皇帝用廷臣論薦。屢旨以臣原官起。臣固請於冢臣徐石麒。乃停而未補。今皇上擴域外之觀。超授臣以工科左給事中。又不待臣懇請。徑許臣以服闋赴任。推心置人腹中。若此人安得不爲效死耶。嘗慨先朝奪情起復一事。未必其官非其人不可也。即使其官非其人不可。萬一或有他故。國之大任。豈遂可虛懸不補。徒以此開廷議之紛爭。令不肖之徒。藉以驅除守禮之士。因而氣短。甚無取乎盛明之朝。有此過舉。今皇王至仁純孝。錫類臣民。只此一端。便可以昭格祖考。馴至中興。伏願永著爲令。光垂萬世。尤長治之大本也。

保全民命。變化人心。爲制敵第一義。伏祈慎鑒前車。急行王政。以致中興。疏

今天下所共傷。祖宗之陵廟。必不可沒于腥羶。中國之衣冠。必不可化爲禽獸。吾民之子女玉帛。必不可割餒虎狼。皇上親征所爲。不再計決也。然而徒用兵。急歛餉。則臣味思之。有以知其不可何也。勝兵先勝而後求戰。國家自有東患以來。朝廷官吏日益貪污。民間風俗日益敝壞。未嘗有一毫髮。撐持世界之事。而獨勞勞焉。兵食是計。于是

竭天下物力。以事一方。不啻腋蚊蟲之血。填滄海也。臣爲此慟。持裾攀檻。思一吐其孤懷。淚未乾而禍至此矣。今皇上以身先天下。刻意澄清。而所爲貪污敝壞者。尙不能卽轉移。是民命實未嘗一日蘇。人心實未嘗一念正。苟又欲竭一方以事天下。不待明者知其不濟也。然則如之何。勾踐以生聚教訓。殪夫差。光武以春陵子弟。殲尋邑。久則需之歲月。速則犯乎矢石。于斯二者。取一焉而已矣。今皇上之德之才之畧。備見于詔旨。三代而下。中興令主。罕有能逮者。誠能簡率精銳。會浙東文武。直指錢塘。別用少水師。趨泊崇明。號召三吳豪傑。士民觀車駕臨戎。萬歲載呼。必且震動天壤。急則治標。無逾此者。必欲治本。則閩粵滇黔。暨江浙楚蜀之未陷者。必當講求大道。思民命何繇保全。人心何繇變化。小之爲馮諶之薛尹錫之。晉陽中焉。則西漢之關中。建武之河內。上焉則商之亳都。周之豐芑。從昔帝王未有本根不固。可以立國者。若小民仍苦誅求。而無更生之樂。士大夫仍溺于富貴利達。爲無憂愁愧恥之心。如道路所云。百姓少而官多。朝廷小而官大。臣懼夫求敵之意。衰從賊之路。便非所以成興王大業也。臣已三緘。不復及天下。獨念皇上之聖。決不虛生。不禁嗷嗷若此。伏維聖明垂察。舉國同讎。臣雖溝

壑填。賢于存活矣。臣無任激切惶恐之至。

恭報徽郡失守詞臣一門盡節仰祈聖鑒疏

第 一 期

虜渡江以來。江南起義之郡。則有□□嘉湖。縣則有涇寧。江陰。句容。吳江。長興。宜興。平湖。殆不一處。起義而死。則有徐石麒。丘祖德。錢棟。起義而被執。則有吳義。起義而俘其妻子。則有徐孚遠。孫臨。起義不克。而僅以身免。則有尹民興。包鳳起。路振飛。沈猶龍。夏允彝。陳子龍。余鷗翔。龐霽。盧象觀。葛麟。洪祖烈。黃蜚。徐文進。何成吾。汪碩德。殆不一人。凡皆忠義所激。高皇帝德澤所留。臣不能悉報。而獨報徽失守。則以徽爲入閩之屏蔽。最衝微之義聲。最著臣之見微事。最審知金聲最深。微之失。未可以他郡縣方。故臣不禁爲心痛也。臣與金聲居同里。讀書同塾。學道同師。其人端慤沉毅。信守專篤。蓋坐而論道之資。非將材也。然往往以知兵著聞。以其忠孝性生。或告之以難。則投袂而起。而諒其衷之靡他者。亦往往從之。恐後。故遠近聞其名。莫不震肅。若是則微事宜可爲。何以竟至此。蓋其意不忍百姓之左衽也。而又不忍以多兵厚餉煩苦百姓。不能匿奸人瑕疵也。而又不敢以便宜行事。擅挾去奸人。其初祇欲苟保疆境。以待真主之興。其繼

祗欲苟給目前以俟。王師之至規模既隘斧劈不銛如草木枝柯未茂而蛇鼠復從中蠹之故貴志以敗雖然未可厚非也。其不忍仁也。其不敢忠也。惟忠與仁將以持萬世而不能支一時則天實爲之非聲罪也。臣自杭州赦還鄉寓家吳江澤畔五月南京不守。臣正病瘧轉展悲號無可告語乃走湖州深山匿焉。七月終湖州再陷則又間關走孝豐將登天目而徽師甚盛之報不絕於耳。臣之喜可知也。八月入徽境與聲相見。聲曰聲非能辦此者。賴真人已應運出其庶幾耳。于是既遣其弟金輅出寧國與宣城相望復遣其弟金經金維出旌德與涇縣相望。其器用堅好步武齊肅不但各義師所無。雖海內宿將之兵未有能過之者。其意曰。閩帥傳檄數至再以此相持一月虜在吾目中矣。不意王師未至。止數日程虜盡破江南郡縣以全力注徽。金經之師遂於九月十九日報陷。聲二十日與臣別。令其子設處路費。資臣入關誓以死戰報朝廷。答一郡人仰望。乃本日至績溪。而二十一日金輅之師又報陷也。末如何矣。二十二日早百姓及衙門官吏奪城門走盡。聲急引刀自裁。左右奪之請戰。已不能軍。比出城即與虜遇。其兄子敦淳被箭墮崖幸不死。已乃聞鼓樂聲入城。詢之山中人曰。此已拏得金某也。夫

第

虜怨徽人甚。既得聲兄弟二人。處之必慘。敦淳不敢至其家。徑踰嶺而出。臣遣至開化道中。聞其語。相抱泣。急欲趨入告。以長途艱阻。貧病不前。又此事徒亂人意。囁嚅不忍言。然朝廷之大計。不可以不決。金聲之大義。不可以不昭。伏懇皇上速籌勝算。仍廉聲家之僅存者。無令失所。聲兄弟必爲厲鬼。殺賊無疑也。至閣臣黃道周。撫臣徐世蔭。府臣施福。非不奮然欲往。而兩兵殊病。撫兵尤甚。單嚴懼之危。當不崇朝。臣另疏所請治本治標之說。如可采。乞皇上采而用之。虜無仁賢。無政事。雖百勝必敗。願我所以自強何如耳。

主恩罔極。臣義當明。謹瀝血控辭簡命。伏祈俞允。以順天爵。以勵羣僚。疏

期
臣蒙皇上陞授工科左給事中。許以服闋赴任。業於十月二十四日。拜疏恭謝。續讀邸報。見武岡王一本。奉聖旨。熊開元忠猷著令吳江。朕昔聞之於錢可。既又挺斥權奸。百折不回。著速赴行在候用。又吏部一本。奉聖旨。武岡王奏內。熊開元著卽起陞太常寺少卿。欽此。臣正病臥建陽。感激殊恩。措躬無地。恭設香案於枕上。叩頭謝訖。竊惟一治一亂。猶春與冬。時乎既至。松柏雖勁。僅能後凋。苟枝條柯葉。倍繁於夏秋。人必異之矣。

今乾坤何等時乎。兩京淪沒。二帝崩亡。蓋旻天降割之秋也。爲人臣子。既未能透爪穿
眼。又不能寢薪嘗膽。顧乘危君父。幸躡臙顯。如天道何在。皇上識量恢宏。欲以爵祿還
忠義。故不靳兼收。冀以鼓其仁勇。臣以爲士生天壤。苟無尊主安民之志。徒爲爵祿所
感。其人可知也。况彼亦一爵祿。起義師抗賊。固宜豐其事權。彼坐嘯晝諾。何爲者。握兵
馬錢糧。推戴一人。固宜賞懋。彼出空言勸進。何爲者。皤皤黃髮。積閱累行。固宜處優。彼
儒生武人。片楮一言。何爲者。蘭蕭並薦。良楛不分。臣以爲以此感人。其人之盛。又可知
也。且皇上聰明睿智。深達亂原。豈不知天下何以至此乎。祖宗朝敬重名實。士釋褐二
三十年。得轉京卿。即謂人臣位極。故後學咸黽勉好修。不復希榮。分外又其時往還禮
數。止詳年德。不論官階。外無勢利。熏其五慾。故內鮮邪思。臣嘗見先臣王守仁。與同時
士大夫。各問貽笏子。第一行通己名。第二行著師友姓氏。第三行以後則道意。前後並
是細書。絕無所謂大字拜帖。古道照人。良可愛慕。不知陋例。始自何年。翰林科道。官至
京堂以上。拜帖盡用大字。甚有初仕爲庶常。而拜帖卽同於內閣者。於是士始進。百端
情賄。必求爲翰林。推知俸滿。亦百端情賄。必求爲科道。其初猶待六年大計後。始行考

第

一

期

選。繼則四年四月。卽截俸先考矣。繼則設爲邊俸。三年卽行取矣。繼則腹內稍有盜賊。地方亦比照邊俸矣。繼則推官無守土之責。亦比照縣官矣。繼則三年亦不能復待。且以科道缺員。屢疏懇請。雖二年半二年。亦准考選矣。旣得科道。緘默忍恥。三四年內。卽穩擢爲京堂。不但監司非所欲。卽巡撫亦不欲也。其出爲監司者。必科道中之拙人。其起爲巡撫者。必監司中之巧宦。比巡撫三年。攷滿得晉亞卿。猶徘徊總督間。不得進京城一步。而京堂年半之內。已坐得正卿。且打點入閣矣。總之。自始進。以至考選。皆其借債要錢之日。金不多。位不高也。自考選以至官成。垂手鬻官。高談納幣。則又以位高而金益多。上下用黃白。鑄成一不可破之局面。而祖宗之疆土。億萬姓之身家性命。遂至如疾風殘籜。只一富貴利達之念成之。非有他也。今皇上誅一二郡縣。未足以懲貪乎。夷盜之橫。郡縣教之。郡縣逼之。郡縣之貪。則廷臣教之。廷臣逼之也。臣嘗有近喻。設十盜於此。自第十人捕至第二人。盜不衰何也。彼不以九人爲懲。祇以一人爲勸也。能捕其第一入。則截然止矣。孔子誅少正卯。而魯國治。是道得也。今國家雖無復卯比者。獨奈何使人人得居卯之位。俾互相競勸。如二帝時已事乎。臣乙丑同進士出身。當考館。

先期乞假歸。至辛未俸滿。爲同鄉主議者。不協輿論。臣乃得幸廁言職。然亦未嘗久於其位也。壬申降調。同時左補如仇維楨等。二三年內。皆轉京堂。馴致大位。臣又乞假歸。凡九年不出。固將終身於此矣。不意庚辰。在籍降官。盡須起補。乃坐補臣山西按察司簡校。辛巳。陞光祿寺監事。壬午。陞行人司司副。司副一官。蓋從昔。轉京堂之要路。臣又得罪去。士固各有學。各有志。未可苟同也。昔人欲致賢人。曰請從隗始。今日欲清王路。亦曰請從臣始。臣愚慮陵京未復。幅員未廣。大九卿衙門。得五六人爲之長。十餘人爲之屬足矣。小九卿衙門。三二人爲之長。數人爲之屬足矣。至於科道。一人謬謬。足勝千夫。近乃以臺差之員爲慮。豈非過計耶。就使人才當博收。或暫與之原官。令從容待補。或卽原官分任監司郡縣。爲皇上撫此一方民。作中興根本。視高坐廟堂。日持監司郡縣之政而讓之。而其害究歸於百姓。固大相逕庭矣。宋臣富弼使契丹有大功。尙以爲辱命不受賞。臣等何功。濫徼陞轉。伏祈皇上曠然遠覽。許臣辭免新銜。俟服闋。仍以行人司副效用。其中外臣工。有欣崇禮讓。與臣同志者。亦祈俯從。令各以原銜戴罪辦事。以示陵京一日未復。卽諸臣大罪未贖。於以生豪傑之憤恥。杜邪慝之要求。消鄙夫之

第

覬覦。臣前疏所謂變化人心。無大此者。至拜帖雖淺事。驕詔之興。實由於此。先臣劉宗周嘗與臣書。副啓名帖。並用手書小楷。其意念良深。願廷臣交勉焉。毋謂古道不可復也。臣無任懇切待命之至。

去兵食以存信去信以求兵食事理昭然。謹冒昧備陳得失。伏願恭默深思。用臻上理。疏

臣竊觀皇上。非有他嗜好煩民也。祇以祖宗之讎。不可不報。復勉議借捐。乃日事暴。日費詞千萬。而不能見諒於天下。臣子亦非有他私意忤主也。祇以民力之竭。不可不憂。勉求寬緩。乃日事呼籲。亦費詞千萬。而不能回聽於至尊。此無他。三代而下。事孔子甚恭。而實信之不篤。或雜用申商。或專用申商。或學申商而不逮。故於爲國爲民之說。往往人持一喙。無所折衷。臣當仰思有合於聖人之道。深信不疑。今欣逢聖人之君。不畢陳其所見。上負眞主。下誤蒼生。臣義不敢出也。大要爲國者。恆言爲民。必不能爲民。爲民者。絕口不言爲國。而卽以爲國。先聖賢審見於此。故年饑用不足。則曰盍徹。遠人不服。則修文德來之。東敗於齊。西喪地於秦。南辱於楚。則曰省刑罰。薄稅歛。俗儒聞之。未

有不河漢其言。以爲迂遠。而關於事情者。臣無暇遠引。必欲不迂遠。不關於事情。兵事之籌。威廟時尙有遺策乎。祖宗朝邊餉不滿五百萬。崇禎間漸增爲二千三百餘萬矣。古今言利之說。無不畢舉。稍有發片言刺其非是者。一時宰執必譖於烈皇帝曰。言官論事。但揀好題目做。便終身受用此一篇文章。全不顧國家利害。如今日急用兵。不加派。不搜括。何以裕餉。臣等與皇上共休戚。舍垢忍恥。只求濟於國事。人言不恤也。嗟乎。爲國大臣。其言若此。欲人主舍左右。而諸大夫國人是聽。不亦難乎。故當時票擬一二人言之。則曰沽名市德。三四人言之。則曰結黨。陸贄曰。衆多之議。足見人情。人臣所見略同。必以爲黨。彼千萬世而下。有以昔人爲是者。誰黨耶。於是加排衆論。獨行己意。且曰。催科不礙撫字。但減除耗羨。民自樂輸耳。夫催科於額內。猶必用一緩二。乃稱撫字之勞。今催科於用三之外。而曰不礙撫字。誰其信之。官卽貪耗羨。至什一二止矣。今所求於民者。至倍至三。而謂耗羨一減。民自樂輸。又誰信之。痛哉。烈皇帝。夫豈有聲色狗馬。土木神仙之好乎。布衣蔬食。撤樂避殿之聲。不絕於耳。祇以虜寇不可不平。封疆不可不固。爲邪說所誤。反裘負薪。頓至皮盡。癸未甲申間。臣待罪園扉。聞都人望賊如望。

第

一

期

城不啻三百矛刺心。而血欲灑而無從也。宋臣蘇軾曰。曹劉之敵。天下之所知也。所恃以勝之者。獨以其區區忠義激人耳。昭烈亦曰。彼以急。吾以寬。彼以暴。吾以仁。彼以譎。吾以忠。事乃可成。今虜因兵於我。因食於我。我竭四方之兵食以應之。曾無一當。垂三十年於茲矣。一隅兵食幾何。終日焦勞。悉索。不過兵數萬。餉數十百萬耳。皇上能必此數萬衆。一舉而勝虜乎。如不勝。且若何。卽此數萬衆。能一舉而勝虜。皇上能必其千里趨利。晝夜兼行。近取効於數月之內乎。如尙在數月之外。前餉旣絕。後餉莫繼。助不可以復借。捐不可以復勸。又若何。宋景公有君人之言三。而熒惑退聽。皇上嘗曰。朕愛民如子。又曰。費民間一錢。如割身肉。皇天后土。遠邇臣民。莫不聞知。以爲明興勃焉。在此數語。今爲旦夕不可久之計。幾幸於宵冥不可知之勝負。而先虧萬乘之義。結四海之疑。臣竊爲明明天子傷之矣。爲今計。宜急下令。申明詔旨。徵現年錢糧。一切名色。盡報罷。嘉與民休息。仍妙選眞廉眞幹。單騎輕軀。下問民間疾苦。周諏吏治。訪求卿大夫士庶人善惡。有循良邁等。忠孝過人者。用賜爵式。閭閻故事。寵以異數。報其保我元元。不忘君父之功。或居功貪黷。居鄉暴橫。與夫從虜從賊。確有證據者。則急籍其家。投畀豺

虎伏其害我。元元負我宗祖之罪。至皇上親征。無事盛從。亦無事多兵。所至之處。仍以討賊爲聲。以問民疾苦。周諏吏治。訪求卿大夫士庶人善惡爲實。如此則福善禍淫。既上合於天道。慈祥豈弟。更翔洽乎人心。皇上但推赤心。置諸義士腹中。更撫各勳臣鎮臣之背。使不爲兒女子立陣後。此宋臣張浚所謂一再臨江。士風百倍者。况舜舞羽而苗格。文行善而昆夷奔。又實有其理。實有其事。虜雖強。寧必戰。而後屈耶。觀秦與六國所用多士。莫不以攻伐聚斂爲賢。其國祚其治效。皆如彼。則孟子所述唐虞三代之德。甚哉其非迂遠。而闊於事情也。臣積懷有年。往往忤於流俗。噤而不言。言亦不盡。今當不諱之朝。乃敢洗心瀝血。皇上已有不忍人之心。不忍人之言矣。但繼之以不忍人之政。一成。一旅。可以興王。虜無足憂也。臣前疏有保全民命之說。未暇致詳。令蒙恩召。臣不敢愛其餘生。特詳于此。行不行。關人情向背。國脈短長。事功廣狹。皇上深思而熟計之。臣無任惶恐待命之至。

微臣辭官不敢辭。隨駕辭閣。銜不敢辭。憲務冒罪。瀆陳仰祈矜允。疏

臣屢疏控辭。蒙面諭望臣過切。手勅信臣過深。臣以爲獲上如此。道在必行。不忍復及

第

其私。故臣二十七日具疏。徑於銜內填入起用隨征字樣。明乎其以身許國。謂皇上必見俞也。二十八日奉聖旨。許臣以血性男子。望臣以封還詔書。進規救過。又云四更書勅。撥冗批答臣疏。又云非以職榮卿。實實自求身立命之助。凡皆從古帝王所未有。三代而下。人臣所不敢祇受。臣何人敢當。臣何心忍辭。但臣意願奢而誠不至。恃其虛氣。以激揚僚案。或曰能之。積其真忱。以感動至尊。每懷靡及。故御營憲務。分撥已定。臣不敢固辭。若東閣大學士一官。雖辟僚開府。無丞相之尊。而論道經邦。實公孤之任。臣雖有區區之愚。曷當萬一。今聖駕遄征。臣不敢瑣陳。一面赴闕謝恩。勉承憲錄。一面瞻天叩請。准免閣銜。臣無任感激待命之至。

天恩薦加微臣不二萬懇俯從下諸臣以維國是以挽頽風疏

臣二十六日酉時入對。百叩辭銜。蒙皇上准臣具本。臣連夜繕畢。於二十七日辰時親齋以聞。正翹首候旨。今二十八日辰時。忽接到皇上手勅。欽簡臣御營隨征東閣大學士。行在都察院。權理院事。左副都御史。臣恭設香案。叩頭謝訖。又蒙發下御營隨征都察院銀印一顆。臣拜收不禁涕零如雨。上之求下。甚於臣之擇君。臣已矢願隨征。何忍



本館主任陳去病

本館紀事

江蘇革命博物館暫行簡章

(一)名稱 本館專為編纂革命歷史陳列革命物品而設故定名曰江蘇革命博物館

(二)宗旨 本館以表彰忠烈激昂士氣宣傳黨義感化民衆為宗旨

(三)職務 設主任委員一人主持本館內編纂徵集陳列保管及其他一切事宜

常務委員一人承主任之命處理日常事務及督察本館內職員之勤惰 委員均由民政廳長聘任之呈報省政府備案 編纂四員分任編纂(一)明清之際東南義旅(二)洪楊時代南京建國(三)滿清末葉民國以來革命經過及本黨奮鬥之歷史 徵集二員分任採訪江南江北革命歷史事務 幹事四員專任各項圖表書籍之藏貯與革命物品之陳列 會計一員庶務一員擔任銀錢之支出入及采辦等項事務

(四) 股務 分總務徵集兩股辦理各項事宜

(一) 總務股 計分編纂文牘保管陳列會計庶務六職担任各項撰述往來函牘保管重要案卷陳列各項革命物品及會計庶務事宜

(二) 徵集股 担任調查歷來革命事實及徵求物品等項事宜
每股設主任一人由委員兼任之股員若干人由委員委任之

(五) 雇員 繕寫文件佐理事務得酌用雇員

(六) 徵集方法 徵集物品標準凡與國民革命有關者皆在徵求之列不以地方為限分主要與附陳二類

(一) 主要物品 子，革命以前關於民族戰爭或交涉上之歷史及遺留之品物與其蹟象 丑，革命以來之史蹟 寅，革命先烈遺象及造象影片等件 卯，革命先烈之作品及遺物 辰，革命以來各大戰爭之圖表及其他重要物品 巳，革命各大紀念日之重要物品及檔案 午，其他

(二)附陳物品 未，清黨重要材料 申，清代專制政府壓迫平民之事蹟

酉，帝國主義者侵略中國之事蹟 戌，軍閥及一切反革命者擾亂國內及壓迫平民之事蹟 亥，軍閥及反革命者之各項檔案

(七)會議 本黨進行事宜得隨時開各種會議其會議規則另定之

(八)函牘 本館對外一切公文函電由民政廳行之

(九)館址 南京大功坊徐中山王故園

(十)附則 本簡章得呈請省政府核准並呈報國民政府備案

案本館舊有籌備處簡章於十七年六月十二日由省政府委員會第七十次會議通過迄今年餘對於籌備事宜粗已完竣現行計畫與前殊不相同故參照原則暫定此章如右

江蘇革命博物館徵集細則

本細則依據 省政府通過之本館簡章內第六條各項分別詳細載列於左

(一) 明初戰爭事蹟及將領姓名之各種記載物品蹟象

清初北兵南下攻城擾亂慘殺各種記載蹟象

辛亥光復各縣起義人之姓名籍貫及如何驅逐前清官吏各事蹟並光復月

日

光復時維持地方之軍隊民團及接收民事警察等各長官姓名籍貫

近代帝國主義者侵奪中國土地之戰爭及交涉各種經過歷史留遺品物與

蹟象

(二)各先烈籌商革命手續關於文件及會議照片

各該地方組織同盟會國民黨等之組織法姓名錄及各種成績

各先烈捐資興學辦理公益含有革命意義救濟人民生計之各種事蹟

(三)各先烈合照或獨照之影片

各先烈住宅及祭堂出殯坟墓銅像碑文等各種影片

各先烈死後哀輓錄

(四)各先烈頒發之任命書 委任狀 文告 令批 電文 書札 獎狀

獎章

各先烈之日記 墨蹟 遺著 傳略 宣言 訓詞 小史

各先烈所用之特殊器具物品

各先烈臨難時之殉身器具(刀槍繩索之類)及臨難地點影片

鼓吹革命之各種報紙 特刊 雜誌 文字 圖畫(不論何處出品均應

徵集)

(五) 各要塞砲台兵艦航空等影片

各地作戰時所攝之影片

各地作戰時燬壞村莊房屋之影片

各地作戰時留遺之旗幟 印信 符號 證章 制服 槍械 彈藥

特殊戰具 戰利品 工兵器具(須註明何項軍隊)

軍用票 軍債票 籌餉券

歷次革命戰史

歷次革命軍官姓名

歷次革命官兵陣傷陣亡姓名及血衣血鞋等物或影片

歷次革命官兵陣傷陣亡已受撫恤姓名

歷次革命軍經過各該地方影片及軍官照片或與地方團體合照之影片

(六) 各該地方於民國成立以後歷次國慶紀念大會演說詞或特刊或會場影片

各該地方於國民政府成立以後各大紀念日會場演說詞及照片

各該地方對於先烈開追悼會等之演說詞及照片

(七) 清黨重要材料及清黨情形

(八) 清代專制政府關於文字獄案姓名事蹟

清代壓迫平民各項虐政

清代壓迫平民各種刑具

(九) 帝國主義者侵略中國之事蹟

(十) 軍閥及一切反革命者擾亂國內及壓迫平民之事蹟

(十一) 各縣新舊縣志

各縣已測量之地圖

各縣縣黨部歷次組織章程及各項工作概況印刷品

各縣農工商等會組織章程及各項工作印刷品

(十二) 凡與前各條性質相同者應一律徵集陳列

(十三) 各縣縣政府縣黨部各局各機關各學校應請負協助徵集之責

各縣地方得設名譽徵集員由地方公推一人至三人報由本館函聘之

徵集物品如係重大緊要不能運送本館陳列者得攝影送館

各種著作原本必須收回者得由本館抄錄後交還

本館地址 南京大功坊徐中山王故園 電話一六一三

陶惟坻等上省政府請改徐中山王故園爲江蘇革命博物館書

主席鈞鑒頃聞江蘇通志委員吳稚暉先生以江蘇革命博物館揭發民族主義於本省歷史上有深切之關係現在籌辦已逾半載非在本京擇一相當地點建立館址不

足以昭鄭重而壯瞻觀因主張就中山王徐達花園改爲江蘇革命博物館作永久之紀念惟坻等極表贊成蓋中山王憤胡元之人據故崛起而佐明太祖以光復漢土迨滿清入關中山子孫徐弘基又起義抗拒不敵而死其他遺胤至有在故宅大堂受笞刑之慘迨及今日光復功成鈞府始有其地而居之者十七年亦未始不可留一重大之紀念惟坻等原爲古物保管委員會江蘇分會及支會委員對於江蘇民族革命之遺蹟有非常之注意今又蒙鈞府函聘爲江蘇通志編纂委員益不敢有所緘默是以謹隨吳先生之後主張將徐中山王故園務請鈞府劃出爲江蘇革命博物館館址作永久之紀念庶革命化與美術化融爲一冶而民衆亦得肅然起敬以增其弔古之情實不朽之盛業焉爾專肅祇頌公綏陶惟坻陳去病張相文金鉞柳詒徵上

致民政廳請通令各縣檢送縣志函

十七年七月二十八日

逕啟者敝處徵集革命物品凡屬蘇省過去之人物事業而含有革命性質者皆當廣爲搜集以備日後編纂陳列之用查此項過去人物事業殆莫詳於各縣縣志擬懇貴廳通飭全省各縣縣長儘該縣所有新舊各志即日每種檢送一部到處以資考鏡

爲荷順頌台綏陳去病劉季平何海樵

接民政廳復函

十七年八月

逕復者准函囑搜集各縣縣志以資考鏡等由業經分函各縣查照逕送查考矣此致江蘇革命博物館籌備處江蘇省民政廳啓

致民政廳請分令未送志書各縣遵令檢送以資考鏡函

十七年十一月一日

逕啟者敝處自籌備以來鑒於編纂陳列於各縣縣志詳查參考頗多利賴因於七月間專函 貴廳懇飭全省各縣長就該縣所有志書即日檢送一部到處在案乃時逾三月送到者實屬寥寥致敝處一切進行諸多不便茲將未送志書各縣開列詳單再懇 貴廳照單分飭各該縣速即遵令檢送以備詳查而資考鏡至緝公誼此致江蘇省政府民政廳長茅 委員陳去病劉季平何海樵

陳何二委員致民政廳函

十七年十二月 日發

逕啟者委員等前承 茅廳長函託籌備江蘇革命博物館事宜原定早日成立嗣因省府遷鎮遂爾中止現在徵集人員分頭出發業已三五次不等所搜各項物品足以

第

陳列藉備一般民衆之瞻仰爲此函請 左右可否將籌備事宜儘於陽曆年內作一結束自十八年一月一日始改用館長制度另訂規則以專責任无任延企之至此頌公安江蘇革命博物館籌備委員陳去病何海樵同啓

江蘇省政府秘書處函 十八年一月二十六日到

逕啟者案照省政府第一七八次委員會議討論事項第九項葉委員提議擬以省府側旁之瞻園作爲革命博物館另闢大門以清界限案當經決議通過等因錄案函達查照

江蘇省政府秘書處函 十八年二月二十七日到

期

逕啟者案查本政府第一七八次委員會議決通過以省府側旁之瞻園作爲革命博物館另闢大門以清界限等因當經函達貴館查照並呈請國民政府行政院備案各在案茲奉

國民政府行政院指令第四六六號內開呈悉准予備案此令等因相應函達查照

致江蘇省政府主席鈕函 十八年三月十二日發

逕啓者敝處自遷進瞻園後因欲改建大門沿街一帶房屋勢須拆卸所有職員辦公室及宿舍等致不敷分布查

貴政府圖書館房屋尙堪應用前經去病在省面陳荷蒙俞允茲特備函申請務希速飭圖書館即日遷讓俾便配置而利館務曷勝翹企之至委員陳去病劉季平何海樵

劉委員致省政府函 十八年三月二十一日發

楊生 楚儉 二先生大鑒內政部鑿通瞻園會否通知省政府諸公同意以一有旁門行人便

雜異日大門之守衛及博物館陳列廳之管理似均難得嚴密之保障若以電機所在動需修理或政務餘閒覽翫園勝則密邇大門繞行亦便何必穿垣始稱快舉弟意以爲省府撥定之地驟爲他機關自由開闢異日或得疎忽之咎爲特專函奉詢卽希明白賜復幸甚幸甚弟劉季平

上海特別市社會局來函 十八年七月十八日到

逕啟者案准大函囑爲搜集革命物品寄送編纂陳列等因並附徵集細則二份到局查該細則所列各項敝局俱無從搜羅相應函復查照局長潘公展

按上海爲革命人物薈萃之地自中國教育會發起以來章鄒之獄與蘇報案也攻擊製造局與滬軍都督之開府也宋案及陳英士之被刺也江浙戰爭與五卅運動也以及各種文字印刷品各大紀念會攝影及戰利品等當較他縣爲獨多而本館印發徵集細則範圍尤極廣博如果對於革命有充分傾向之熱忱者則各種物品隨地皆有何難徵集該函以無從搜羅四字了之未免令人缺望爰譏數語以質方聞

時事述聞

郵局行將改售各先烈士郵票

交通部遵照國務會議議決，將全國所用郵票，改用總理暨陳英士，黃克強，宋教仁，朱執信，廖仲凱，鄧鏗，諸先烈士各遺像製印郵票以留永久紀念，除總理遺像外，所需諸先烈士正面側面遺像各一份，該部前已函達國府文官處，轉陳飭知各該遺族，分別檢送到部，惟查陳黃二先烈正面側面遺像各二份，及宋朱二先烈側面遺像各一份，尚未檢送來部，現該部對於該項郵票，亟待印製，昨特再函國府文官處查照，轉陳飭催各該遺族，迅即檢送，以便印製云。

哈埠俄領館宣傳共產會議案件

特警處搜查經過之事實

據密探報告，蘇聯共產黨，定於五月二十七日正午十二時至下午三時，在本埠蘇聯領事

館地窖內召集開第三國際共產宣傳大會，此次會議，列席者特區沿線各站，東路如阿什河一面橫坡道河子穆稜，五站南路如審門長春，西路如安達昂昂溪扎蘭屯博克圖海拉爾滿洲里各處分駐之首領，以本埠在鐵路者，又三十六棚地包各工廠，職工聯合會蘇聯中央商業聯合會，蘇聯商船局，蘇聯遠東煤油局，蘇聯遠東國家貿易局等機關，並赤塔伯力各地共黨之首領，均來哈參加，共約八十人左右，在此會議中，各地出席代表，均須報各地宣傳工作情形，大會對於報告，加以判決，並指示以後宣傳進行方針，其歷來在中國及其他國家宣傳之文件，本會議席上，均能提出，此八十人中，有三首領，一，次木巴列為池，及遠東國家貿易局總經理，二，捷拉撓夫，乃蘇聯商船局監查員，三，司達皆維赤，乃路局商務處委會，此

三人者，即北滿三人執行委員會最有力之委員，該委員會直接隸屬伯力管轄，在該會以下，復有東路職工聯合會青年共產團，童子共產團，婦女部等團體，現在蘇聯國家對青年共產團，極為重視，在三個月以前，曾派青年共產團到伯力海參崴等處，練習黨的工作，今年六七月間應行歸業，此為大規模之會議，每二年一次，復有普通聯席會議，則每半年一次，應請嚴密搜查捕辦等情到處，本處以事關特區治安及國際問題，極為嚴重，當以馳報行政長官，一面飭派三署署長邵清淮，督帶長警前往，於午後二時在蘇俄領事館地窖內，查獲如期開會者，內計館員四十二名，梅總領事及其副領事子那民斯基，並駐遼甯蘇聯總領事庫茲聶錯夫二人，亦均與會，外路來會議者三十九人，此中確有蘇聯遠東國家貿易局總經理次木巴列為池東，鐵路局商務處委員司達皆維，亦蘇聯商船局委員捷拉撓夫三人，迨經詳訊各黨犯，其機關住址，東路自阿什河來者，首領羅羅賓斯克一人，自一面坡來者，首領果列打一人，橫

道河子來者，首領維吉協夫一人，穆獲來者，首領官洽洛夫一人，南路自審門來者，首領厄尼爾果夫一人，長春來者首領果列給夫一人，西路自安達來者首領厄爾打夫一人，昂昂溪來者首領列街別夫一人，扎蘭屯來者首領古連果夫與不力且果二人，博克圖來者首領果樂雲一人，海伯爾來者首領果爾達一人，滿洲里來者首領細木羅特牙，我為尼亦得拉日到夫三人，此外圖羅克司基巴力洛夫撓維關夫司達，皆維赤阿列克三得維赤費力保瓦六人，均係本埠路局重要職員，他如拋列馬諾夫，則來自三十六棚，保打來自本埠職工聯合會，士列尼為赤來自本埠蘇聯中央商業聯合會，捷拉撓夫來自蘇聯商船局漂得洛夫來自蘇聯遠東煤油局，次木巴列為赤來自蘇聯遠東國家貿易局，此外赤塔方面來者為看德，遼寧方面來者為庫茲聶錯夫總領事，如上所述，足徵報告不虛，在預審時，其自外站來者，問其來哈原因，多半衆口一辭，來哈換領護照等語，然彼等果為換領護照，若來自小站，尙有可藉口，惟等彼皆來自

沿路線各大站，如滿綏等站皆駐有蘇聯領事，乃彼等竟會近求遠，來哈換照，遁詞知其所窮，再查案內次木巴列爲池，自己供稱與哈埠領事館常有接洽事件，每禮拜赴領事館四五次，甚至每日一次等語，足見彼與領事館關係密切，其在館內進行黨的工作，可以心證，又查共產黨內黨員之資格，年限限制甚嚴，此次逮捕諸人，詢其入黨年份，多半在一九二二年以前，可見彼等皆係老黨員，在黨內資格甚深，故能任黨內首領，又查據密探聲稱，近年黨的命令，爲避免一切嫌疑痕迹，全改用口頭傳達，或用密碼寄遞，以期安全，當時檢各人身上，已有數人筆記本載有密碼，不能明瞭，而卽此筆記密碼，足證明彼等行爲詭密，再查當警察包圍領館時，其時各門緊閉，促令開門，堅拒不開，嗣隔窗內視，發現燃燒文件情形，不得已遂由邵署長督警勉強入內，當由各火堆中，將燃燒未燼之文件，立刻搶出查驗燒燼紙灰，知其已燒文件，爲數極多，維時米處長同賈副處長張教育廳長，亦同至領館，令其慎重精細

，合法搜查，並一面至梅總領事辦公室內，見該領事正在焚燒文件中，米處長等，當以慰問之言相詢，明證在前，相對無言，當卽退出，遲至午後七時搜查事畢，當將外路來會議之三十九人帶處，其梅總領事及館員四十二人，均留館未帶至，駐遼寧庫總領事，當時卽用車送至寓所當該黨犯帶進特警處門首時，囑令原告密人暗相認視，據云所捕均是正犯，但尙有六人未獲，亦應查緝等語，復查該領館屋內，除燃有汽爐外，後有兩個牆爐，一個鐵爐，時當夏季，此設備，其專爲消滅書面證據之用可知矣，在警察進門時，見其爐內盡係焚化書面證據之灰燼，宛然俱在，遂以快機拍照留影，以資查證，更查各爐之位置，鐵爐在領事館接待室旁邊辦公室內，此爐內餘燼甚多，牆爐一，在領事個人辦公室，而焚化餘燼比較尙少，一三層樓上祕密瞭望室內，該室爐內所焚證據，比較似燃燒最久，維時警察進館，用許多方法，延至下午五時始能將該室之門推開，設該館室內原無不能公佈不可告人之共黨文件，何至

堅鎖門戶，私自焚燬，又果如該館館員所言，焚燒者係外交密報，亦不至燃燒痕迹，如此之多，且延時如斯之久足見彼等專為消滅證據，不辯自明，再聞該領圖書館中，有圖書數萬冊，均係違禁宣傳共產之圖籍，當即加封，容再啓查，此外在各屋中，搜得宣傳共產書籍，均擇要帶回本處，以備作證，至於重要文件，整齊者及燒餘者，亦均載回本處，現正從事編號編譯，其該領館所有鐵櫃卷檔，均未啓視，屋內器具等件，亦未移動，搜查後，由在事官長，眼同該領館人檢查明白，囑令該館人簽字證明，以免日後發生誤會，但該領館人堅特拒絕簽字，本處以所獲證據，既已充分，遂未強請簽字，現在該黨員等皆羈在本處看守所內，男女分別，每一屋一人或數人不等，空氣亦極流通，並由本處為每人各備新購白布被單，毛氈胰子手巾牙刷牙粉等物，早晚茶飯，均由華俄飯店定送西餐，預審時，令其對坐談話，並給以茶烟，以示優待，

又以上尚有未及之情形，再簽述如左，

一，黨犯狡謀周密情形 查該黨犯等，此次召集開第三國際共產宣傳大會議，其地點在領館地窖之內，並將各門嚴密關閉，布置之密，防衛之嚴，可謂至周且備，以為即使發覺，警察至而搜查各門緊閉，亦一時不易進入，即使設法闖入，勢必大費時間，足可銷燬證件於無形，如彼所說，則警察入內，空無所獲，不第徒勞無功，且處違法地位，而彼等反抱樂觀，其意甚深，其計良狡，幸而我警以敏捷手段，突然闖入，得竟全功，設使徘徊遲進，則所有各種證據，將悉變灰燼，消滅無餘矣，

二，黨犯供詞支離情形 訊據各黨犯所供到館原因，以請領出境護照者居三分之二，其餘或稱訪友，或言問事竟無一人敢認開會之舉者，茲將各犯否認開會並所稱領照等偽詞，支離之點，分別駁述如下，該犯等如果未開不法會議，何以正值辦公時間，又有各人領照之際，竟將各門緊閉，拒人出入，想中外各官廳，無此辦法，此其支離之點一也，該黨犯多至八十餘人，聚集地窖之內，其地既非辦公室，

又非娛樂場，而將窗門於內面鎖閉，除開不法會議之外，尙有何事可爲耶，此其支離之點二也，各黨犯如果承認開會，或捏爲其他尋常會議，亦未爲不可，乃以昭然若揭，萬無可掩之大會，而竟以有作無不敢提及開會一字，足見情虛胆怯，自相矛盾，此其支離之點三也，各黨犯除館員不計外，而由外站來者四十餘人，且多係重要分子，如駐遼總領事及伯力代表，亦均在內，查其所住地址，距哈遠近不一，若預有約期，何以不前不後，同日到館，其爲開會而來者無疑矣，此其支離之點四也，各黨犯所稱，請領護照，詢其到館時間，多在午後一點左右，何以一時之內，有許多數領照之人，又何以領照者無一平民，而率係具有身分之人，此其支離之點五也，假使各黨犯果係到館領照，何以空口無據，又何以由一點到館而兩點餘鐘，警察進館已至兩點有餘，並無一人領得護照，或其他收證在身，殊不近理，此其支離之點五也，按以上支離之點，一再考證，足徵各黨犯所稱領照等情，完全爲僞託之詞，其

理至明，無待推索，且警察在領館搜查事畢，帶同各黨犯臨去領館之時，梅總領事倉皇走出，嚴囑各犯，切勿多言云云，而彼輩果如所教，衆口一辭，益足證其所供事實，純屬虛僞，毫無疑義矣。

錢昌照報告中東路事件經過

七月二十二日九時舉行總理紀念週

▲錢昌照報告 此次中俄問題之發生最初由於東三省當局在哈爾濱俄領館搜獲蘇俄擾亂我國之種種證據，俄方情不自安，密謀利用中東路蠢動，我方不得已，乃進一步而封閉俄職工會，商業聯合會等機關，並驅逐擾亂份子出境，蘇俄政府老羞成怒，竟來最後通牒，限期答復，我政府方依理去復，而蘇俄政府之第二通牒接踵而至，宣布斷絕邦交，其爲有意挑釁，自不待言，我政府對於此種無理舉動，已無答復必要，因發表宣言，通告世界各國，披露蘇俄破壞和平一切陰謀及我國嚴正應付態度所有哈館搜出證據及來往通牒與宣言等已見各報，無庸贅述，至我方措施方針，不外兩點，第一出

於國家自衛權之發動，第二出於履行中俄協定之意旨，按一九二五年五月三十一日中俄解決懸案在大協定第六條云：「兩締約國政府互相担任在各該國境內，不准有爲圖謀以暴力反對對方政府而成立之各種機關或團體之反對舉動，並存允諾彼此不爲各對方國公共秩序社會組織相反對之宣傳」，同年九月廿一日奉俄協定第五條，亦有同樣之規定，今俄利用中東鐵路之特殊地位，爲陰謀宣傳之策源，觀於此次哈埠俄領館搜出各項文件，可以證明我國國基甫定，反動勢力方在潛伏滋長，此次搜出證據中，有暗殺南北要人，實施暴動之計劃，性質不可謂非嚴重，加之東三省國際關係最爲複雜，我國若再放任，使俄人得以北滿爲運動陰謀之大本營，與赤塔海峽等處相呼應，則一旦事變爆發，不但中國地方秩序不能維持，且恐進而牽涉國際問題，使中國獨立地位受其侵害，此際就赤化魔窟之中東鐵路一舉而整理肅清之，實爲國家自衛，且爲維持世界和平上不得已之處置，復次，中俄協定對於中東鐵路明白規定

，「純係商業性質」，故蘇俄政府利用該路作政治陰謀，在根本上已與協定違背，中國加以干涉，正爲執行雙方協定之精神，決未越出條約範圍以外，故無論從利害上言從正義上言，我國之舉動皆極光明正大，自可公之世界，蘇俄自宣絕交後，正式將再有何項行動，尙未詳悉，我方則始終以自衛爲一貫方針，不屈不撓，以逸待勞，所望全國上下，愈益團結精神，一致對外，庶幾外侮之來，不但不足爲我患，且可使愛國之士，益加奮發，而迷路青年，亦得藉以猛醒也。

杭州捕獲大批共黨

浙省近日匪氛稍靜，共黨則尙在各處蠢動，幸就地軍警防範尙嚴，地方秩序不致紊亂，省會雖稱重地，但民多龐雜，良莠不齊，共黨匿跡，在所難免，卽如金剛寺巷得陸堂客棧，近一月內破獲兩次，蓋該地適在車站附近，交通便利，本月七日夜間，杭州市公安局得密報，謂城站金剛寺巷得陸堂棧內匿居大批共產黨徒，擬四出活動，當由局派出車巡隊，會同民

政廳巡察隊及第三處軍警聯合稽查隊，又一區六分署巡警等，前往該棧擒捕，茲將是夜情形，覓誌如下：

△戒備嚴密 軍警到巷，即嚴為戒備，將在場軍警，分布各街巷要道，自金剛寺巷福慶弄郭通園巷及得陞堂後門之棲霞里，派定步哨，當搜捕時，並禁止行人來往，一時交通為之斷絕，嚴肅異常，附近居民甚為恐慌，嗣明真省，始行安心。

△搜捕情形 布置既定，由巡察大隊人棧搜查，所有房間，逐一搜查，抄照名單一一就捕，並在行李搜出書籍印刷物多件，當場獲犯十二人，被逃者三人，當夜即解送公安局暫押，靜候省府提訊。

△獲犯姓名 當圍捕時，旅客均已歸寓，被押者計為第十號房間內張震一名，（年三十四歲東陽人）張雲濤一名，（年四十二歲東陽人）張翊翔一名，（年十六歲東陽人）第十一號房間內張蓀香一名，（東陽人）張繼火一名，（年三十八歲東陽人）及其友人兩名，（不知姓名並

非該棧旅客）第三十二號房間內趙守萬一名，（諸暨人年三十二歲）何紹春一名，（諸暨人年二十七歲）周政文一名，（年三十四歲諸暨人）第三十五號房間內張贊堯一名，（年十九歲東陽人）張耀瑛一名，（東陽人年二十八歲）△未獲共匪 共計破獲十二人，尚有第十二號房間內之張耀輝，與第三十二號之何芹華，因是夜尚未回棧，致在逃未獲。

△犯來時日 該犯等到棧日期，當經調查，張震張雲濤張翊翔三人，係五月十三日到該棧，趙守萬何紹春周政文三人，於四月十五日到棧，張贊堯張耀瑛二人，於六月十日到棧。

△各犯形跡 第十號第三十二號第三十五號旅客到棧均自謂學界中人，來杭會友，第十一號中旅客，謂係商界中人，平日並無引人注意之行動，深居簡出，日在房內弄絲竹自娛，惟張震一名，人均稱呼分隊長。趙守萬則自云在閩曾兩任知事，此次來杭，係擬辦牛稅，因此住該棧候友，會晤後即當返家，張蓀香張繼火則來杭銷售茶葉。

無錫捕獲懸緝共黨共案三則

本邑共黨高和根，經縣政府懸賞四十元購緝在案，迄未捕獲，八日上午警察大隊部特務員錢天雄，查悉高和根匿居南門外昇泉樓茶園，當即率隊前往捕獲，帶隊訊問，據高供稱，本年曾與已被拘案之鄒阿桂（瞎子軍師）陳龍生等，一同入共產黨不諱，下午三時呈解縣府核辦。

共黨首領杜鐵城就逮 本邑縣政府十四日據人密報，謂天上市張村鎮，有共黨活動等語，孫縣長據報後，即派政治警察長吳正榮率警乘船下鄉捕拿，當場獲住前曾懸賞一百元之共黨首領杜鐵城及曹和泉王根和等十一名，押解來城，送縣訊辦。

捕獲共黨解縣審訊 本邑縣政府政治警察長吳正榮，於前日率警在天上市張村鎮捕獲共黨杜克誠及嫌疑犯黃根和惠阿聰等，解縣訊辦，茲悉十五日下午，由周承審員開庭訊問，杜克誠供認爲共黨首領王均衛隊不諱黃根和惠阿聰，均不供認有入黨情事，周君核供，諭令將杜

克誠解經蘇州高等法院訊轉，黃根和暫行收押，惠阿聰交保。

蘇州共案一則

徐州解來大批共犯 徐屬銅山等縣，前後拘押共犯，數在四十多名，除尙待研訊及證明釋放外，嫌疑較重者，共計有三十一名之多，均應解交高等法院訊判，經該縣呈准省廳，令即起解赴蘇，當由銅山縣警察隊長陳素英，率帶警士十名，將此項共犯三十一名，於六日由徐起解，於八日晚解抵蘇州，當即解往道前街高等法院，飭暫羈押第三分監，聽候審究云。

如皋共案一則

如皋共黨馬盆兒被獲 駐防盧港貢家巷之警察隊腳踏車分隊長周元福，於七日據密探報告，現有著名共黨馬盆兒，（即馬桂起）藏匿在馬家莊馬昌盛染坊內，該隊長得訊後，即親率幹警多名，化裝前往，分頭搜獲，果於該馬姓染坊內將要犯馬盆兒一名緝獲，當即派隊解送縣公安局核辦，頃悉縣局於前晚預審，該犯供

稱去年十一月間，由張某介紹入黨，該組組長係湯士倫，隊長係已被執行槍決之繆庚成，伊曾經合夥燒毀草莊張姓房屋三間，後又在郭家街王姓家索款焚屋，所有經過工作，均直認不諱，聞縣局復審後，即送縣府法辦。

濟南市黨部破獲大批共黨之經過

先後破獲共計三十餘人

將由黨部政府會同辦理

(十五日濟南通訊)市黨部日來迭次捕獲共黨重要人犯，惟以其餘共黨正在秘密偵緝，故各報迄未發表，昨日(十四)市黨部特召集各報記者，宣布捕獲共產黨經過情形，茲詳誌於下：當去歲日人佔據濟南，以處於帝國主義者反動勢力壓迫之下，黨務不能公開，國民黨之活動，倍感困難，同時共產黨認為有機可乘，派有大批黨徒來魯，在濟設立機關，然以與國民黨所處之政治環境完全相同，故其工作亦未能進行，一方在市黨部方面，社會關係則較共黨居於優越地位，因此之故，遂得運用警察逮捕共黨，當一月間在徐家花園一帶，先後破獲共

時事述聞

黨三十餘人，重要分子，如吳可靜、鄧恩銘、孫秀峯、王崇五等，多係各省省委及軍事專家，而其文件之重要者，則有去年共產黨在莫斯科開第六次全國代表大會決議案，及第三國際往來文件，現在此種文件，除呈送中央者，尚分存省市黨部及高等法院，俟將來整理妥當，再行發表，共黨經此次破獲，魯省負責人員，多係落網，至最近破獲之共黨，則為劉謙初，(平度人，燕京大學畢業，曾任葉挺之社會科長)，劉泰和，(一名晚浦沂水人上海大學學生)，田位東(曹州人)等八人，劉謙初在兩個月前由滬回東，成立共產黨山東省黨部，其內部組織有秘書處組織部，宣傳部，交通處等，劉為常委兼組織部長，劉泰和為常委兼宣傳部長，其常委兼秘書王某則已逸去，先於本月二日，在順貢街十六號捕獲劉泰和，田位東及女黨員曹某，續在萬壽宮街及在西菜園子四號獲得數人，又由憲兵團在膠濟路於水站內緝獲劉謙初，前後共捕八人，而中國共產主義青年團山東省黨部由青島派二人來濟，擬辦商店作通信機

關，亦檢捕獲，聞將由省黨務整理委員會與省政府會同辦理，決以軍法處置。

丹陽共案一則

由常解共黨到丹 丹陽東鄉一帶，共匪猖獗，現由武丹聯防會軍警，先後在丁橋小華等處，捕獲共黨嫌疑犯多名解常，張縣長據報後，特備文咨提歸宰訊辦，現已由常解到男犯賈金榮等十七名，女犯姜荆氏等三名，聞內有荆鴻聲一名，曾在武進縣政府供認夥匪撕毀了橋荆紀生案內肉票，情節重大，已由王承審員訊明釘錄收禁。

日人鼓動戰爭劣跡之暴露

美國務卿以美國所得報告，以日本國宣傳者爲多，決令註平美國武官赴五站滿洲里實地調查，明日動身，今晨使團非正式集議，對於一星期來之中俄開火，與中俄形勢緊張，及滿洲里被佔等消息，什九虛報，各國應當自己調查，不再信任此項惡意之情報，其時日本使館人員在座，聞之頗示不安態度，謂此乃新聞記

者之傳聞，當令其慎重云，（編者按本報自始即洞燭其奸，蓋俄人破壞條約固可惡，日人乘患相攻尤可惡也）。

中國國民黨入黨手續及介紹書與

志願書

中央執委會第廿七次常務會議，通過中國國民黨入黨手續，入黨介紹書，及入黨志願書三種，分誌有次：

（甲）入黨手續 一，根據總章第二條乙項之規定，凡入黨者，須經本黨黨員二人以上之介紹。二，介紹人應將被介紹人之姓名性別年齡籍貫職業通訊處，及其思想能力過去工作等，詳細填具介紹書，送呈所在地區分部執行委員會。三，區分部執行委員會接到介紹書後，應即指派黨員負責調查，如被介紹人確與總章第一條及第二條乙項之規定相符合，即彙集介紹書及調查報告，提交區分部黨員大會決定。四，區分部黨員大會決議通過後，即由介紹人邀同被介紹人，攜帶最近半身像片四張，親到

所請求之區分部填具入黨志願書，由該區分部執行委員會，連同介紹書調查報告，彙呈區執行委員會，經區執行委員會考查合格，縣執行委員會核准，并遞呈由中央執行委員會發給預備黨員證書後，始得為本黨預備黨員。五，凡志願入黨者、接到區分部之證書須到通知書時，須出席黨員大會，依式宣誓接受證書。六，軍隊中入黨事宜，以連執行委員會為直接辦理機關。

(乙)入黨介紹書

茲介紹 君加入本黨為預備黨員
並將對於 君之觀察及批評填
具下表以憑考察如發現有不忠實情事
願受本黨最嚴厲之處分謹呈

| | | | | | |
|----|----------|------|----|-----|---|
| 中入 | 中國國民黨 | 特別市 | 省 | 縣 | 區 |
| 國黨 | 中國國民黨 | 特別市 | 省 | 縣 | 區 |
| 國介 | 區分部執行委員會 | 簽名 | 蓋章 | 黨證字 | 號 |
| 民紹 | 介紹人 | 中華民國 | 年 | 月 | 日 |
| 黨書 | | | | | |

時事通聞

(丙)入黨志願書

具志願書人 志願舉行三民主義
接受中國國民黨的黨綱實行黨的決議
遵守黨的紀律履行黨員的義務特具
志願書請求入黨敬祈許可謹呈

中入 國黨 國志 民願 黨書

| | | | | | |
|----|----------|-----------|-------|------|---|
| 中入 | 中國國民黨 | 特別市 | 省 | 縣 | 區 |
| 國黨 | 中國國民黨 | 特別市 | 省 | 縣 | 區 |
| 國志 | 區分部執行委員會 | 粘貼相 片處 | 具志願書人 | 簽名蓋章 | 日 |
| 民願 | 中華民國 | 年 | 月 | | |
| 黨書 | | | | | |

中訓部設置民訓處

▲係將舊有民訓科擴充改組

中央民衆訓練委員會，自三全大會決議撤銷後，乃於組織部添設民衆組織科，訓練部添設民衆訓練科，分掌民運事項，嗣二中全會決議有關民衆團體之組織指導及訓練各事項，一律歸訓練部辦理。組織部不必另設民衆組織科等語，訓練部即遵照此決議計劃歸併後辦理。

第

一

期

以原有之民衆訓練範圍狹小，而民運工作，在此六年之訓政時期內，尤宜加緊進行，方不負本黨所付予訓政期內之重大使命。主管民訓之機關，自應從事擴充，組織上亦應加以變更，以期收指揮裕如之效，特於該部擴大部務會議提出方案，詳加討論，結果決定設立民衆訓練處。其組織系統該項組織條例，業經提由中央第二十六次常會通過，現該處正忙於擬訂細則，分配工作，其工作人員，除原有民訓科外，並擬由前民衆組織科酌量調用，聞大致已足分配。

皖人追念吳樾

桐城吳樾烈士字孟俠，在季清謀炸五大臣，受極刑而死，國府成立，爲崇報先烈計，特

命在殉難地方，及原籍建造銅像，并優卹烈士嗣子，吳振宗給以一等年撫金二年，其學時期，依照革命功助子女，就免學費條例辦法，桐城公園及桐城南門外吳烈士祠內，所設縣立乙種職業學校，均冠以吳烈士之字，改爲孟俠公園，及孟俠學校，並鑄銅像，建立於安慶西門外吳烈士墓前，近皖籍士紳學子方東英，王星拱，洪達，劉藻彬等數十人，擬將孟俠學校推廣，分設各鄉村師範部，女子初中部，及小學校，但地方財力有限，特擬具計劃書，聯名呈請省府，補助開辦費六千元，每年經常費八千元，以便協定計劃，即日開辦。

雜佩

秋社重定簡章

本社自戊申春初組織以來。已閱二十二周。中間橫遭虜廷摧折。備歷艱辛。旋經光復。社以再興。然且漂搖風雨。變故迭乘。及至北伐完成。而後斯社乃漸臻鞏固。今更由社友等公同發起。釀貲建造棲霞山館五楹。上架層樓。命曰延秋之閣。以備諸社友歲時憑弔之所。並擬籌備女報女學。及其他慈善事業。以繼秋俠未竟之志。爰取簡章。修正如下。

- (一)命名 仿薛廬林社之遺意。命曰秋社。
- (二)社址 浙江省城西湖西冷橋鑑湖女俠祠右。
- (三)宗旨 提倡女學。擴張女權。發刊雜誌。力行慈善。
- (四)職務 公舉社員一人為本社社長。主持全社一切之事務。總務主任一人輔佐。

社長執行社內應辦事宜並設幹事員五人聽受主任之意旨與其指揮以分辦下列諸事

(一)編輯員掌管各項文字之撰述及搜輯秋俠遺著編刊女報等事

(二)書記員掌管社籍及與各方面往來通訊等事

(三)會計員掌管社員納金及各項支入支出等事

(四)交際員掌外界之聯絡及管理本社房屋祠墓等事

(五)庶務員掌管祠墓風雨亭等處修葺種植保護及社內應得承辦諸事
以上人員均由社長決擇委任經評議會之認可常川到社辦事咸盡義務不支薪水

(五)討論 組織評議會由本社公推社友十二人爲評議員商酌社內一切事務每年由大會時推定並得連舉連任

(六)入社 凡海內外名媛碩彥品學兼優對於本社宗旨相同者若得社員二人以

上之介紹即可公認其爲社友並給予證章如社員有妨害本社名譽破

壞社務者調查確實開會公議取決除名後登報聲明

(七) 納金 凡社友納金之數分三項

(一) 入社金一元於入社時交納

(二) 常年捐一元於每年舊曆六月初六日成仁紀念日開會時繳納

(三) 特別捐凡遇臨時召集或因事故急須捐募者如購地造屋及興辦女學女報及修葺祠墓風雨亭等類均應竭力維持各盡義務以圖永久不得互相推委致多廢墜

(八) 會期 分兩項

(一) 大會以每年春秋兩季及陰曆六月六日成仁之日爲會期先期由書記員發函通告屆時即由主任將社內所辦各事及出入款項向各社員詳細報告並商酌進行或維持改革等事宜畢即繼續選舉

(二) 常會即職員會以每月星期日爲會期此外臨時召集無定期

(九) 補遺 此係簡章不求詳備設於施行時或嫌漏畧及妨礙之處得由評議會議

決修訂其女報及女校章程均別行訂定茲不復贅

南社消息

南社者。吾蘇陳去病高旭柳棄疾三子。所以繼東林。幾復之志業。而興焉者也。故其始之取友也。尚狹。既而稍廣之。亦不過數十人。既而革命軍興。南都建國。繇是四方賢豪畢集。吳會而社友乃益盛。徧中國矣。迄今二十餘年。白雲蒼狗。變幻萬殊。劍膽簫心。風流頓盡。聽山陽。笛。豈勝感逝之情。過太邱。名墟無復。德星之聚。拾舊歡而尋墜緒。亦幾乎有前塵如夢之傷矣。爰挈陳編。寫成茲錄。得如千篇。備省覽焉。中華民國十八年荷夏。編者誌。

(甲) 同岑錄凡社友之消息可考者均列于此

陳去病 佩忍 江蘇吳江 鎮江焦山江蘇古物保管會
蘇通志局 蘇州朱家園江蘇古物保管會

柳棄疾 亞子 江蘇吳江 鎮江焦山江蘇通志局

朱葆康 少屏 江蘇上海 上海卡德路寰球中國學生會

朱葆芬 子湘 江蘇上海 同上

林懿均 立山 江蘇丹陽 丹陽南門外

沈 礪 勉後 江蘇金山 南京

沈昌眉 眉若 江蘇吳江 蘇州蘆墟

沈昌直 穎若 江蘇吳江 同上

沈文傑 龍生 江蘇吳江 同上 又蘇州地方法院

夏鍾麟 應祥 江蘇吳江 同上

丁達甲 堃生 江蘇吳江 蘇州莘塔

費榮錦 織雲 江蘇吳江 吳江斜橋北金家埭

高 增 佛子 江蘇金山 松江張堰秦山後

蔡 守 哲夫 廣東順德 廣東

姚 光 鳳石 江蘇金山 松江張堰

陶 牧 小柳 江西南昌 鎮江省政府

陳陶怡 道一 江蘇金山 松江松隱

第

趙正平 厚生 江蘇寶山 寶山真如

俞鏗 劍華 江蘇太倉 太倉南牌樓

葉葉 楚倫 江蘇吳縣 南京江蘇革命博物館 中央黨部

馮平 心俠 江蘇太倉 太倉橫涇

韓蘇 筆海 江蘇丹陽 丹陽城內北草巷

傅熊湘 鈍根 湖南醴陵 長沙圖書館

顧彥祥 振庠 浙江嘉善 嘉善南門

孫鵬 翼雲 同 上 嘉善科甲埭

李拙 康弼 同 上 嘉善豐前街

金兆芬 蘭畦 江蘇金山 金山松隱

余天遂 疚儂 江蘇崑山 上海

鄭之蕃 桐蓀 江蘇吳江 北平清華大學

費公直 一瓢 同 上 蘇州周莊

江蘇革命博物館月刊

林百舉 一厂 廣東梅縣 鎮江民政廳

陳訓恩 布雷 浙江慈谿 南京中央黨部

陶廣照 神州 江蘇吳江 上海香山路

周亮才 天石 浙江

郭惜 步陶 四川 上海新聞報館

田桐 梓琴 湖北蘄縣 上海

王蘊章 尊農 江蘇無錫 上海正風學校

胡穎之 栗長 浙江紹興 杭州佑聖觀巷六十八號

黃質 濱虹 安徽歙縣 上海神州國光社

胡韞玉 樸庵 安徽涇縣 上海滬寧車站編查課

朱肇昇 叔建 江蘇松江 上海市政府

吳相融 豹軍 江蘇吳江 崑山縣政府

包公毅 天笑 江蘇吳縣 上海晶報館

胡懷琛 寄塵 安徽涇縣 上海商務書館

張素 揮孫 江蘇丹陽

姜若 枕仙 江蘇丹陽 蘇州慶都賓巷西口

戴傳賢 季陶 浙江吳興 南京考試院

承家麟 玉書 江蘇江陰 上海滬寧車站

宋銘毅 詒于 江蘇吳縣 同上

周珏 志成 浙江嘉善 日本橫濱領事署

林之夏 涼笙 福建閩侯

胡允恭 寅階 江蘇丹陽 丹陽南門

孫廷庚 今身 江蘇吳江 蘇州梨里

宋琳 紫佩 浙江紹興 北平華北日報 宣南香爐頭條九號

朱錫梁 梁任 蘇州吳縣 蘇州閭門三樂灣

黃鈞 夢蘊 湖南醴陵

江蘇革命博物館月刊

龔爾位 醉庵 湖南湘鄉

徐朗西 朗西 陝西三原

沈毓清 詠裳 江蘇吳江 蘆墟沈懋隆醬園

丘復 荷公 福建上杭 汕頭峯市藍家渡

楊璠 聘之 江蘇寶山

邱望崙 檻玉 浙江龍游

沈鈞業 復生 浙江紹興

俞慶恩 鳳賓 江蘇太倉 上海

呂志伊 天民 雲南思茅 南京立法院

楊錫章 了公 江蘇松江 松江琴橋

沈大椿 志儒 江蘇吳江 同里東溪橋

阮尙介 介凡 江蘇奉賢

胡蘊 石予 江蘇崑山 蘇州草橋中學

陳 鈍 魯德 甘肅天水 杭州

楊譜笙 无悶 浙江吳興 蘇州天賜莊 南京監察院

第 陳郁璫 柱尊 廣西北流

張一鳴 心撫 浙江桐鄉 溫州招商局

杜 羲 仲虞 河北靜海

蔡 寅 冶民 江蘇吳江 溫州高等法院

鄧家彥 孟碩 廣西桂林

陶 鑄 望潮 浙江紹興

黃 侃 季剛 湖北蕪春 南京中央大學

期 姚雨平 雨平 廣東梅縣

汪 東 旭初 江蘇吳縣 蘇州

馬 和 君武 廣西桂林 吳松楊行鄉

吳 梅 瞿安 江蘇吳縣 蘇州雙林巷二十五號

江蘇革命博物館月刊

張繼 溥泉 河北滄縣 北京古物保管委員會

高燮 吹萬 江蘇金山 江蘇張堰閑山莊

陳萬里 萬里 江蘇吳縣 杭州民政廳衛生科

夏昌熾 光禹 江蘇青浦 南京

周斌 芷畦 浙江嘉善 陶莊

茅祖權 詠薰 江蘇海門 南通川港鎮西市

汪兆銘 精衛 廣東番禺

伍崇學 仲文 江蘇江寧

陳世宜 匪石 同上 南京工商部

諸宗元 貞壯 浙江紹興 南京教育部

姚錫鈞 雄伯 江蘇松江 南京

姜可生 杏癡 江蘇丹陽 鎮江建設廳

范天籟 茂芝 江蘇吳江 平望前街范正昌號

沈鈞儒 衡山 浙江嘉興 上海江灣路法政學校

江紹銓 亢虎 江西弋陽

方榮杲 旭芝 湖南湘潭 湘潭迎春橋楊家園子徐居易堂轉

文 斐 牧希 湖南醴陵 醴陵利義和布莊轉

潘飛聲 老蘭 廣東番禺 上海橫濱橋克明路四號

謝華國 英伯 廣東梅縣

蔡 培 子平 江蘇無錫 南京交通部

殷汝驪 鑄夫 浙江平陽 上海

劉民畏 民畏 四川 南京國民政府

李書城 小垣 湖北潛江

方聲濤 韻松 福建閩侯

鄭衡之 冬心 安徽英山

周麟書 嘉林 江蘇吳江 吳江北塘

江蘇革命博物館月刊

- | | | | |
|-----|----|------|-----------|
| 李壽銓 | 勁臣 | 江蘇丹徒 | 萍鄉安源煤礦總局 |
| 王植善 | 培孫 | 江蘇上海 | 上海日暉橋南洋中學 |
| 管義華 | 際安 | 江蘇吳縣 | 上海民國日報 |
| 邵庸舒 | 元冲 | 浙江紹興 | 南京立法院 |
| 黃宗麟 | 蘊深 | 江蘇上海 | 鎮江民政廳 |
| 黃節 | 晦聞 | 廣東順德 | |
| 石瑛 | 蘅青 | 湖北 | |
| 朱宗良 | 繩先 | 浙江海鹽 | 南京行政院 |
| 狄膺 | 君武 | 江蘇太倉 | 南京市黨部 |
| 于秋墨 | 秋墨 | 江蘇金壇 | |
| 邵聞泰 | 力子 | 浙江紹興 | 南京中央黨部 |
| 蕭蛻 | 蛻公 | 江蘇常熟 | 蘇州 |
| 仲中 | 遼民 | 江蘇泰縣 | 泰縣楊柳巷 |

第

金慶章 靜初 江蘇上海

金體乾 葆光 浙江長興 鎮江省政府

朱慕家 劍鉞 江蘇吳江 梨里夏家橋

梅光迪 迪生 安徽宣城

任鴻雋 叔永 四川巴縣

胡先驥 步曾 江西新建 北平古物保管委員會

龐樹松 獨笑 江蘇常熟

謝无量 无量 四川樂至

陳无名 微廬 浙江諸暨

鄧萬歲 爾雅 廣東東莞

沈毓源 詠霓 江蘇吳江 蘆墟

王毓岱 海帆 浙江餘杭

程宗裕 光甫 浙江杭縣

江蘇革命博物館月刊

| | | | |
|-----|----|------|------------|
| 黃復 | 婁生 | 江蘇吳江 | 北平賈胡家同吳江會館 |
| 高珪 | 君介 | 江蘇金山 | 金山張堰 |
| 周國賢 | 瘦鷗 | 江蘇吳興 | 上海 |
| 錢永銘 | 新之 | 浙江吳縣 | 上海中國銀行 |
| 陳无用 | 子韶 | 浙江諸暨 | |
| 費硯 | 龍丁 | 江蘇松江 | 松江平橋街底 |
| 陳无私 | 子弁 | 浙江諸暨 | 杭州 |
| 凌景堅 | 莘子 | 江蘇吳江 | 蘇州西百花巷 |
| 景定成 | 梅九 | 江西安邑 | |
| 胡惠生 | 惠生 | 安徽涇縣 | 上海儉德儲蓄會 |
| 莊先識 | 通伯 | 江蘇武進 | |
| 韓煥 | 亮父 | 江蘇泰興 | 泰縣古物保管支會 |
| 張錫佩 | 聖瑜 | 江蘇吳江 | |

第

徐麟

泉孫

江蘇吳江

南京市政府財政局

成平

舍我

湖南湘鄉

北平世界日報館 南京民生報

聞宥

野鶴

江蘇松江

上海閘北六三花園後金宅

柳无忌

无忌

江蘇吳江

劉三

季平

江蘇上海

本館

袁翰清

鏡涵

江蘇吳江

蘆墟袁家浜

李根源

印泉

雲南騰衝

蘇州十全街

凌毅

蕉庵

安徽定遠

曹應仲

應仲

江蘇吳江

朱汝珏

璧人

江蘇吳縣

周莊

馬毅倫

夷初

浙江杭縣

南京教育部

周覺

柏年

江蘇吳興

莫干山療養醫院

張我華

我華

安徽

南京外交部

刊誤表

| 類別 | 頁數 | 行數 | 錯誤 | 更正 |
|--------|----|----|-------|-------|
| 明史補傳 | 三 | 五 | 承 | 丞 |
| 江蘇革命史略 | 五 | 四 | 所無 | 無所 |
| 文苑 | 一 | 八 | 占 | 古 |
| 本館紀事 | 三 | 五 | 誤列 | 刪除 |
| 雜佩 | 一三 | 五 | 鎮江民政廳 | 吳縣縣政府 |
| 又 | 一五 | 一 | 胡家 | 家胡 |
| 又 | 又 | 三 | 興 | 縣 |

卷一

一

二

三

四

五

六

七

八

九

十

四

中華民國十八年七月二十日付印

中華民國十八年八月十六日發行

革故鼎新

編輯及
發行者

江蘇革命博物館
南京大功坊徐中山王花園

發行所

江蘇革命博物館
南京大功坊徐中山王花園

印刷者

美吉印刷所

南京四牌樓電話三一六號

定價表

| | |
|--------|-------------|
| 每月一冊 | 全年十二冊 |
| 每冊實銀叁角 | 郵費在外 |
| 預約 | 半年一元八角 郵費在內 |
| 全年三元三角 | 同上 |

本館徵求(一)先總理暨諸烈士遺像遺墨著作物品以及關於革命文告書札

論說並慶祝追悼紀念等會攝影可備本館編纂或陳列者

本館徵求(二)凡古代名人撰著各種文字於革命有關堪供本刊編纂者

本館徵求(三)從前鼓吹革命之各種報紙特刊雜誌論說圖畫可資本刊編輯

考鏡者

本館徵求(四)凡有革命紀念價值之論說史傳叢譚文苑雜俎等類文字俱所

歡迎惟本館有選擇修改增刪之權原稿無論用否概不退還

本館啓事 本刊草創伊始見聞寡陋倉卒成篇語多簡率魯魚亥豕校勘未精

尙希 各界同志原諒倘蒙 時錫鴻箴以匡不逮尤所欣幸